

三十三冊

卷之三十七

蓬萊祕書

林下筆記

下筆紀卷之五十七

送東歸書目錄

金剛經起

斷疑有

長安寺

萬川樓

青蓮處

沈葉家

明鏡臺

大字詩

林下筆記卷之三十七

蓬萊秘書目錄

金剛緣起

斷髮嶺

長安寺

萬川橋

青蓮庵

迦葉窟

明鏡臺

太子城

水簾瀑

澄明塔

百塔

靈源庵

百川洞

鳴淵

白華庵

三佛巖

表訓寺

顯佛庵

正陽寺

歇惺樓

香爐峰

萬瀑洞

十潭

鶴臺

普德窟

圓通庵

真佛庵

須彌塔

九九洞

須彌庵

須彌臺

摩訶衍

佛地庵

船菴

獅子庵

衆香城

白雲臺

鈔吉祥

毗盧峯

九井峯

鴈門嶺

隱仙臺

十二瀑

曉雲洞

外船潭

萬景臺

中內院

榆岾寺

西來閣

上下鉢淵

神溪寺

外圓通

玉流洞

連珠潭

飛鳳瀑

舞鳳瀑

九龍淵

萬物草

百鼎峯

甕遷

海山亭

懸鍾巖

金蘭窟

海金剛

三日湖

四仙亭

白鷗巖

門巖

叢石亭

喚仙亭址

仙游潭

洛山寺

清澗亭

鏡浦臺

大関嶺

竹西樓

望洋亭

越松亭

This image shows a blank, aged, cream-colored page, likely an endpaper or flyleaf from an old book. The page is ruled with vertical lines, creating a series of narrow columns. There are some signs of wear and aging, including a small dark mark near the top left corner and a small yellowish stain near the top right corner. The page is otherwise empty of text or other markings.

This image shows a blank, aged, cream-colored page, likely an endpaper or flyleaf from an old book. The paper has a slightly textured appearance with some faint vertical lines and a small dark mark near the top right corner. The page is framed by a dark border, possibly the book's binding or a scanning artifact.

林下筆記卷之三十七

月城李裕元景春輯

蓬萊秘書

人生世間久視壽命者皆慾之使也世間之
慾猶可以充至於文章之慾未易充也谿山
之慾尤未易充也溪山指在名山大川文章
亦在乎名山大川而名山大川惟司馬子長
能盡之矣余乙丑遍踏內外山及八景成一
卷畫冊名曰蓬萊秘書列畫諸勝綠起博攷
東人文集畧錄詩語至若書籍之不能盡為

蒐入愧余之固也陳睂公曰清心寡慾萬物
不能移山川亦是萬物之中縱有溪壑之慾
未聞移山而移水如可移也秦皇漢武移此
山於阿房柏梁之間也

金剛緣起

華嚴經曰海中有處名金剛山從昔已來諸菩薩衆
於中止住現有菩薩名曰法起與其眷屬諸菩薩衆
千二百人俱常在其中而演說法

大方廣佛住處品三十一之第疏六曰山在東海
近東雖非全體是金而上下四周乃至山間流水

砂中皆悉有金遠望即謂全體是金又云此山往
往有聖人出現又晉本海中有二位處一名枳怛
那現有菩薩名曇無竭有萬二千菩薩眷屬言枳
怛者具云昵枳多此云踊出金剛語體踊出語狀
曇無竭者此云法生亦云法勇亦云法尚今言法
起與生勇義同即常啼之友也菩薩眷屬十倍今
經或傳譯之誤

異稱日本傳曰金剛山在朝鮮江原道與本朝金剛
山同名華嚴經曰從此東方有金剛山法喜菩薩作
佛事二國皆擬之乎

三才圖會續集曰萬瀑洞在金剛山中百道飛泉湧
出谷中其狀非一故名谷口有峯曰五人峯言青鶴
棲其隈有一泓曰觀音潭潭畔淫蒼苔滑足人皆挽
藤蔓乃得過其名曰手巾崖石心有凹如杵曰諺傳
觀音浣處至普德窟前飛流紫石未觸崖竅飛雪噴
激晴晝歆暝石底水蔚如翠藍又數步怒瀑飛珠散
雪噴薄而下其大者凡十二層其小者不可勝計故
曰萬瀑洞其下曰珠淵又有一石形如龜狀潭中曰
龜潭又有一潭深不可測曰火龍潭其上有峯曰獅
子巖洞中有普德窟鑿絕壁架板立銅柱於外以搆

小屋三楹於其上名曰觀音閣杓以鐵鎖釘于巖石
浮在空中人登則搖中置佛龕飾以珠玉外施鐵銅
以防手摸

南匯吳省蘭泉之藝海珠塵曰金剛山在淮陽府東
一百六十七里山名有五一日金剛二曰皆骨三曰
涅槃四曰楓岳五曰枳怛白頭山南條也自會寧府
之方羅漢峴至甲山東為頭里山永興西北為劔山
府之西南為分水嶺西北為鐵嶺通川西南為楸池
嶺至長楊之東高城此山自分水嶺至此凡八百三
十餘里山凡一萬二千峯巖竅骨立東臨滄海杉櫟

參天望如畫圖有日出月出二峯可見日月之出內
外山共有百八寺表訓正陽長安摩訶行普德窟楠
岵最為名剎云

文獻備考曰分水嶺北東至于青霞楸浦風流鐵嶺
之阨又東至于板機騎竹之嶺南至于猪踰楸池板
幕瀝嶺東南至于溫井又南為金剎之勝南有通川
郡治自瓊鶴東迤至姑峯巖石之勝瀝嶺一麓西至
末暉嶺北至白嶽山扶老嶺西至獐尾義館山南有
淮陽府治自末暉南迤為斷髮天磨大小東坡之嶺
和川烏川會其下溫井嶺東迤至高城郡治北有三

日浦金剛山南至于檜田珍富磨耆屹里彌時西至
于雪嶽雪嶽一麓東至靈穴沙峴峴山南有襄陽府
治自沙峴東北迤至洛山寺五臺山東南至于大關
大關嶺一麓東迤至丘山又迤至江陵府治北有鏡
浦青玉山一麓東至葛夜山有三陟府治有竹西之

勝

擇里誌曰江原道在咸鏡慶尚間嶺脊自鐵嶺南至
太白山橫亘如天際雲嶺之東有九郡曰歙谷北與
咸鏡安邊府接壤曰通川曰高城曰杆城曰襄陽曰
江陵故穢國所都曰三陟曰蔚珍曰平海地多名湖

奇巖登高則滄海濤濤入洞則水石竒窈景物實為
國中第一多棲臺亭館之勝國人號為關東八景鐵
嶺為通北大路其下為楸池嶺為金剛山而高城三
日浦清妙中濃麗幽閒中開朗如淑女艷粧可愛而
可敬江陵鏡浦臺如漢高祖氣像豁達中雄渾宵遠
中安穩有不可名狀杆城花潭如月墮清泉永朗湖
如珠藏大澤襄陽青草湖如鏡開畫奩三日浦湖心
有四仙亭即新羅永郎述即南石行安詳所遊處號
為四仙而湖之南石壁有丹書即四仙題名丹書漬
壁風雨不泐邑治客館東有海山亭西顧則金剛千

疊東望則滄海萬里南臨則長江一面濶遠雄壯兼
大小幽曠之致南江上流有鉢淵寺傍有鑑湖昔楊
蓬萊士彥構亭於湖上手書飛來亭三大字揭壁一
日所揭飛字忽風吹捲入天中不知所之詢其日時
即楊化去日時也鏡浦則一小麓東向而峙臺在其
上前有湖水周回二十里水深不過人股可以行小
船東有江門橋橋外白沙堤重重回遮湖水通海而
堤外碧海連天昔崔灏弱冠到臺上題詩曰蓬壺一
入三十年銀海茫茫水清淺鸞笙今日獨飛來碧桃
花下無人見遂為古今絕唱人無有繼之者詩無一

點烟火氣此仙語也叢石亭金剛一麓直入海中如
島嶼而麓北海中有大石柱高可百仞凡石峯上銳
下豐而此則上下如一是一是柱非峯矣柱體圓圓中有
剝削痕自下達上如木匠刀鍊柱之上或古杉點綴
柱下海波中小石柱無數或豎或倒與波濤相齧蝕
酷似人作造物賦形至巧至奇此天下奇觀而又必
天下之所無也竹西樓則據五十川為勝而絕壁下
有暗竇水至其上漏如落際餘者循樓前石壁橫過
邑邦昔有人船遊誤入竇中不知所之人謂邑基穴
坐室亡故人才不出云其他如襄陽洛山寺杆城清

澗亭蔚珍望洋亭平海月松亭並據海結搆海水絕
碧與天為一前無遮蔽而海崑如江汀溪畔小石奇
巖錯立片上隱暎於滄波之間海邊皆粲然雪色之
沙履之夢夢有鳴聲如步珠玉之上沙上海棠爛開
徃徃松林落落參天入其中使人意想忽寢不知塵
世之為何境形骸之為何物恍然有凌雲步虛之意
一涉茲境其自為別人經過者雖十年之後眉宇猶
有烟霞山水氣○金剛山萬二千峯純是石峯石洞
石川峯岫洞府水泉淵瀑無非白石結作故山一名
皆骨言山無寸土也乃至萬仞之巔百丈之潭渾是

一石此天下所無山中央有正陽寺寺有歇惺樓得
地最要坐其上可得一山真面目真精神如在瓊瑤
窟裏清氣爽朗令人不覺換滌腸胃間塵土正陽西
有表訓長安二寺內多元時及前朝古蹟多宮壺所
捨珍寶之物從正陽寺北入為萬瀑洞有九潭之勝
洞壁有楊士彥蓬萊楓岳元化洞天八大字字畫飛
動如生龍活虎飄飄然羽化之意內有摩訶衍普德
窟凌虛架空其結構如神工鬼力殆非意慮所及最
上為众香城在萬仞峯巔地皆白石而有層級如鋪
床卓上安一立石如佛像而無眉目是天成左右石

床上又兩行排列小小石像而亦無眉目諺傳曇無
竭住此前臨絕壑萬丈惟從西北角微逕以入萬峯
皜如而水石潭洞曲曲奇巧不可盡記而名菴小寮
籠絡其上殆如七金人帝釋宮殿不如人間有者上
頂曰毗盧峯直上剴風登陟則雖夏猶寒凜挾續山
西北有靈源洞別成一界而東為內水站即嶺脊脉
也踰嶺則榆岵寺也榆岵之東北有九龍洞大瀑自
高峯飛下穴而為大石臼者九層而層皆有臼臼皆
有龍守之山崖水道皆光潔白石不但傾危峻側不
可接足陰森肅烈不可向通榆岵古蹟寂多僧言五

十三佛像自天竺泛海而來地主盧椿建寺而安置
之語多荒誕然前世所以崇奉塔廟者極其宏賁楡
店以西謂之內山以東謂之外山而水流入東海內
外山自古無虎蛇夜行不禁茲乃天下之奇異當為
國中第一名山願生高麗之說豈虛語也佛氏華嚴
經創於周昭王後是時西竺不通況中國外東亭乎
然而東北海中金剛之說已載經中無乃佛眼遙見
而記之歟世以金剛為蓬萊智異為方丈漢拏為瀛
洲所謂三神山也

佔俾齋金宗直金剛山送上人詩云機鋒擾屢躡

玄蹤了了知師不落空曾是東西南北客要看一
萬二千峯陰陰洞壑仙都府納納滄溟海若宮觀
盡瑰奇早回錫虎溪思欲共搘筇

退溪李滉談閩東山水詩云賃屋深坊遠市聲端
居秋末愛新晴風前挺挺杉翹幹霜下鮮鮮菊秀
英散地身閒如不病凶年家空似真清遁來夢想
仙遊地何日投簪獨遠征

栗谷李珣楓岳所見三千言詩云混沌未判時不
得分兩儀陰陽互動靜孰能執其機化物不見迹
妙理奇乎奇乾坤既開闢上下分於斯中間萬物

形一切難可名水為天地血土成天地肉白骨所

積處自成山萃律特鍾清淑氣名之以皆骨佳名

播四海咸願生吾國

諺傳中華人有言曰願生峽高唐國親見金剛山云云

峒與不周比此皆奴僕吾聞於志怪天形皆是石

所以女媧氏鍊石補其缺茲山墜於天不是下界

物孰之如踏雪望之如森玉方知造物手向此盡

其力聞名尚有慕況在不遠域余生愛山水不曾

聞我是夙昔夢見之天涯移枕席今朝浩然來千

里同咫尺初從行脚僧過盡千山禿漸漸入佳境

渾忘行迹永欲見真面目須登斷髮巔

未至山三十里有巔

名曰斷髮登眺則望月山之全體突兀撐天森然可敬也一萬二千峯極目皆

清淨浮嵐散長風突兀撐青空遠望已可喜何況

遊山中欣然曳青藜山路更無窮溪分兩沙流出

谷何悠悠洞口二溪分流一則毗盧峯水為別危

橋幾酸肢苔石頻就休最初入長安洞口雲乍收

林宮值火後新起梵鍾樓山之洞門寺曰長安數年前失火有僧重創起

樓鍾居僧散樵徑伐木山更幽天王立門側怒眼令

人愕長安興榆岫皆有天王像庭前何所有數叢紅芍藥禪牀

展兩足困疲留一宿明朝向何許路轉千萬曲金

藏與銀藏高占蒼厓傍金藏銀藏二巷在長安寺東所見漸奇

秀出入行澗岡高峯立我前七寶為其粧有一峯在二麓

之東奇巖怪石如瓊瑤之垂山僧稱七寶莊嚴忽近榆岵寺松檜鬱成行

飛樓跨澗水映奪青山光有樓當門跨澗名曰山映門前平地

潤沙草逢春綠八門駭汗出神將相對立青獅與

白象呀口瞋復目門中立神像與獅像面目皆惺惡可咳撞鍾千指

迎繞袖香烟輕庭中聳高塔風鐸聲琮琤翬飛三

昧宮結構何其雄堂中古佛像塵埃暗金容遠自

天竺來駕海隨黃龍尼巖與憇房一一留其蹤真

贗不可辨事與齋諧同寺之記事載天竺人鑄佛像五十三軀泛之于海有

黃龍負之到于此山高城人間而尋之見路傍有小人跡乃入山中有危踞石指其像處乃指榆岵

寺以安焉後人以尼所踞石明寂在其西與聖

為尼巖以見跡處為憩房云

在其東尋幽不暫閒興八煙霞濃寂寥斗雲菴

雲確水自春斗雲菴在臨溪渡石砭活水聲淙淙

成佛倚高峯滄溟在東窓成佛菴在斗雲菴之東北與佛頂臺相連俯見

東海嵯峨佛頂臺孤絕更無瓊我来看朝曦湍目紅

雲披水天西無際火氣驚馮夷舉頭白巖面十二

天紳垂白巖面有十二瀑布回尋舊時路到處皆

可怡上下二見性臨路危薨飛自佛頂臺還西行則上見性下見性

二菴皆在斗雲菴之北石窟名竺修蒲瀝澗之濱在下見性之西臨水

背巖清靈臺與靈隱雲霧生階墀二菴在竺修窟之西南崎

致可愛

嶮勞涉險兩脚難自持橋摧卧古槎路斷攀樹枝

流湍亂我耳濺沫灑人衣幽深九淵洞草合人迹

微九淵洞在靈隱菴之西幽深清絕徘徊普賢菴仰見峯岬危寄

傲真見性菴欲去仍留遲二菴皆在洞中冒雨入香鑪人

靜閑柴扉香鑪菴在九淵洞之南天陰與夜氣滿山同霏霏

內院半日留禪榻學忘機內院在香鑪之西北漸入深境更尋彌

勒峯愛山如渴飢峯頭石如佛得名良在茲彌勒峯在

內院之西峯上有石形如彌勒寫蒲條南草菴居僧有仙姿菴在峯之

南最為深邃見我薦山羞香蔬療我饑洞中極多山菜此洞深

幾許山僧亦不知是非聲不至何須勞洗耳暮共

白猿吟朝隨蒼鶴起還登萬景臺四方皆洞視向還

洞口乃鑿此臺在南巷之東北靈隱之西北有窟名養真過清難久止

在萬景臺西北人寰屬霄壤宜居避世士他時期再來出

洞頭屢回此洞巖石白於他處僧言內山好外山同興僅外

山已如此况彼內山哉急須入仙境以滌塵中病

以山之東南為外山西北為內山內山尤為奇秀岩石蓋白行行樹陰中晚風

吹不定自靈隱菴北行可達內山山禽不知名自呼三兩聲小

溪通略約敲側不可行解衣弄清泚形影聊相戲

一身在巖上一身在水裏爾今不是我我今還是

爾散為百東坡頃刻復在此好在水中人到處無

緇磷禪菴妙吉祥面戶清無塵

內山最初所見菴也

其傍有

文殊菴地秘人難臻登登到佛地

菴幾經山嶙峋

在妙吉祥西小菴在巖下厥跡為罽賓

窟名在佛地菴西

萬樹

衛金殿名是摩訶行

在佛地西此菴據山正中其主峯乃毗盧峯

雄峯

峙其後峻嶺當其面環回天所成絕勝前所見佳

氣鬱鬱蔥蔥心驚顙為寢

山勢環回有若天成

吁嗟最靈地千

載空虛棄庸僧汗雲霞感歎知奈何山中歷菴

多少難為科款詳不可得我試言其略

山中諸菴多至百餘

不可畢舉姑記大槩耳妙峯與獅子近在摩訶側

二菴在摩訶行之西

萬回與白雲船菴與迦葉妙德與能仁圓通與真

佛修善與奇奇開心與天德天津與安心頓道與

神林利嚴與五賢安養與青蓮雲岵與松蘿次第

如星羅

已上皆菴名萬回在摩訶行北白雲在萬回北船菴在白雲西北妙德在能仁西能

仁在圓

通北圓通在真佛南真佛在船菴西南修

善奇奇

在船菴東南開心天德在圓通西天津安

心在開

心北頓道在表訓東南神林在表訓西利

歲五賢

在頓道東北安養青蓮等在長安東皆取

其協韻

故無或倚最高峯手可捫銀河或枕急流

次序而舉之

瀑靜中喧聒聒或在巖石下低頭僅出入或對紫

翠峯暮色未排闥或占大巖上綫路絕容迹或隱

幽邃處永與塵勞隔雖無外客來小語山已蒼或

秘樹木中濃陰遮日色或據斷崖頭滿庭皆怪石

奇形與異狀記之終難悉眼者口難言漏萬絲掛

一我愛表訓奇鬱鬱依林麓在開心南僧開畫殿空日

午樓陰直我愛正陽寺俯臨千丈壑在表訓上塞衣步

庭除四顧山如積我愛須彌臺疊石成崔嵬在真佛西

北清絕似仙區不必朶蓬萊我愛望高臺四面收

黃埃在長安北表訓南欲知高幾何笙簫上天來凌雲繼

快活執鎖誠危哉上望高臺時路窮處則垂鐵鎖攀之以上有我愛十

王洞山勢皆盤回在長安東北最深處人所不到處有古塔古塔不記

年兀立懸崖遑我愛萬瀑洞飛流瀉青永在表訓東獅巷

之西純是一巖連數里滑淨難徙倚逶迤至洞口

湍洞皆流水坎處陷為淵下有火龍眠名湍傾處激

為湍鳴雷振空山平處湛不流如鏡鑒吾顏清風

左右至炎熱寢為寒披襟坐樹下始知身世閒我

愛寶德窟銅柱盈千尺在洞中飛閣跨空三面依岩一面以銅柱撐之近百

尺最為奇絕飛閣在虛空天造非人力未至望如畫既

登汗如沐禪僧萬緣虛紙帑儲松葉若歆棲此地

應湏學絕粒去矣不可留我將巡山遊有石類獅

子屹立乎峯頭在獅子菴前有菴似築城不知誰所營

在獅子菴側世無方朔儔怪事問無由內山留十日遊

尋峇已周東行到上院路傍層臺遠從此向白巖面上院在路

遶寂滅

卷

上開心

卷

橫雲時未捲

二卷最高在寂滅則可見東海

開窓何所見赤海平如練山人指白巔人間兜率

天

以白巔為光亭蓋清勝故

諸卷列翠微鍾鼓聲相連有洞名

聲聞水石何紛紜可望不可尋青鶴為第昆

寂滅卷下

有洞名聲聞俯見岩奇水清而無路可入如智異山青鶴洞焉鉢淵對絕壁天工

所磨削一條噴長虹其底澄潭碧山僧無一事轉

下聊為樂投身急如梭顛倒眩莫測

鉢淵寺在寂滅之末有瀑

甚高岩石極滑僧俗玩者皆解衣上岩隨瀑轉下以為戲鉢顛倒而下終無所傷回登九

井峯桂樹森可折

在寂滅北甚高峻有桂樹

扶桑手可挹夜半

看日出歆見九龍淵僧言路險惡若遇驟雨來死

生在頃刻

九龍淵在毗盧峯之東最為奇麗但路險石滑遇雨則定死無疑故余懼不往

不如上高峯以躡飛仙踪斯言定信乎決意登毗

盧松根絡石角手攀足可踏

此山之絕頂

有僧導我

前戒我勿俯矚臨危若俯矚目眩神必惑若欲見

山形莫上最高嶽若登最高嶽所見皆恍惚

極高則所

見不

明此言為我師勉旃無怠忽一經畫與宵始及

山之腰因卧盤石上廓落迷俯仰心定始擡首众

峯皆我向高低與遠近一槩皆削粉百里不盈尺

巨細皆無隱忽然蒼白霧瀕洞失遠觀初依一谷

生漸蔽群山走遂使山蒼蒼翻作海茫茫浩浩同

一氣漠漠難為量吾聞太極前萬化不開張山靈
意何如示我物之初無風漸飄散半卷還半舒始
露數點秀孤如天上岫濃青畫脣眉浴海褰鵬噉
俄頃疾風起駛若駢驅驟須臾無點滓眼力皆通
透或尖若鈿鋒或圓若籩豆或長若走蛇或短若
卧獸或如萬乘尊朝會開天門衣冠儼侍立車馬
如雲屯或如釋迦佛領眾依靈鷲臺君與鬼伯競
進頭戢戢或如吳興孫擊鼓陳三軍鐵馬振刀鎗
壯士爭追奔或如獅子王威壓百獸群或如行雨
龍奮鬣噴陰雲或如靠巖虎顧眄當路蹲或若文

書積鄴侯三萬軸或若建浮圖蕭梁九層塔或若
累累塚令威尋古國或向如揖讓或背如抱毒或
踈若相避或密若相狎或如窈窕女深閨守貞淑
或如讀書儒低頭披簡牘或如賁育徒實勇氣咆
勃或如坐禪僧藜杖穿兩膝或若搏兔鷹或若抱
兒處或翔若驚鳬或峙若立鵠或偃然肆志或靡
然自屈或散而不合或連而不絕萬像各異態賁
玩忘移足不可廢半道我欲窮其高繞身是何物
時有行雲孤行雲不及處甫甫剗風神飛鳶與棲
鵲莫能追我軺直到無上頂朗詠聊遊遨林端拂

朝日石頭礙夜月俯聽蟻動聲山腰起霹靂山川
圍四面模糊不可辨大者類丘垤小者視不見縱
有離婁目安能辨城郭浩然發長嘯聲入清都闕
仙侶空駿愕玉皇應驚詰天宮縱不遠其奈道根
淺吾聞上界仙官府未得閒何如方外人不在仙
凡間心虛萬事一氣大六合窄崑崙脫手毬大海
塗足油胷中有山水不必於此留一覽便知足造
物不我尤僧言此山景四時皆清勝炎涼異世間
陰氣春猶盛浮花豈吐葉只有寒梅瑩山門四五
月始有尋春興層崖十萬丈蹢躅紅相映大地八

紅鑪衲僧猶苦冷撲緣不侵人蒼蠅絕形影秋風
來苦早落葉填石逕峯巒瘦生稜素月增耿耿松
林間楓樹紅碧紛無數水落露危巖激激波聲怒
冬寒水官驕積雪高天柱煙生知有寺門礙難開
戶譬如別世界白銀為國土翠檣烈幾行鬚髮垂
滄浪君胡不見此反思歸故鄉所記四時景皆山中實事此山
有羽人馭風凌空行綠髮飄若煙巖竇藏其形千
年食松脂蟬蛻得長生見人不接言顏秀方瞳清
君胡不見此似無物外情山中有入只食松葉歲久身輕空中往來綠毛
遍體山僧樵菜時有得見者云此山有異獸非虎非豺狼雄形大

如山怒眸若鏡光有時磨大木翠毛掛百尺足迹

廣如輪諒非凡獸匹君胡不見此避去如畏怯

有數如詩中所記云此山有仙鶴大如垂天翼翱翔白雲上

暮還棲翠壁有時舞雌雄雙影峯前落高人尚不

親況求對以臆君胡不見此胃次未免俗

山中雄鶴青質丹頂有雌雄雙飛人謂之鶴我聞此僧言將還更回躅遂作

半歲留所聞非虛說僧言此山名金剛與狀怛众

寶所合成中有曇無竭我言佛書中不見朝鮮國

又云在海中不與此山同

僧言佛經云海中有金山豈在海中耶我疑龍伯豪一釣連六鰲三山遂

失所泛海驚仙曹漂流到我疆作此群山王又疑
西河吳荷奔桂樹旁斫桂落此地萬古無時停玉
幹化為石高積崦青冥虛實竟誰分何人作此經
自送作天遊始覺吾生浮下山將出洞山靈向我
愁夢中來見我自言有所求物生天宇間因人名
乃休廬山無李白誰能詠其瀑蘭亭無逸少誰能
壽其迹子美題洞庭東坡賦赤壁咸曰大手筆今
名垂不減君今遊我山風景皆收拾胡為不吟詩
反作緘口默請君揮巨杠庶使山增色我言子過
矣子言非我擬我無錦繡臨安能追數子滿腔惟

一拙吐出人不喜予欲得瓊琚往求無價手山靈
色不悅側立久凝視咄咄指我言惡賓無汝似我
知不能辭遂許撰荒鄙形開如酒醒所聽皆荒角
有約不可負聊以記終始○楓岳所見云吾生賦
性愛山水策杖東遊屐屐履世事都歸掉頭中只
訪名山向楓岳初沿石川得小迳漸見鳥道通山
麓林間有寺知不遠青烟起處踈鍾落行行日暮
路窮時蒼檜蕭森露朱閣僧房寄卧不成夢屬窓
終夜聞飛瀑平明粥熟木魚動一庭緇髡羅千百
我時出門問前途有僧指點青山北褰衣披草不

辭勞欲使清風駕兩腋藤蔓蔽日入洞深石角拘
衣知路窄直上高峯始豁然萬境森羅收不得風
聲水響浩難分幾道飛泉喧众壑擡頭東望眼力
盡茫茫大洋連天碧逍遙便作物外人洗盡胸中
塵萬斛忽驚蘭若在林端往叩禪扉聲剝啄空庭
寥寂一鳥鳴門外溪清難濯足更尋幽逕傍危巖
引手攀蘿屢敲側崎嶇上下得小巷四面芳草無
人迹峯峦削立怪欲飛雪色嵯峨迴無極青天去
地不盈尺頭上星辰手可摘雲來雲去何所見階
下千峯青又白雷聲殷殷俯可聽知是人間風雨

作排門忽見入定僧鍊得身形瘦如鶴欣然見我
不相語淨掃禪牀我宿凌晨蹴我見出日驚起
開窓遙送目東方盡入紅錦中不辨朝霞與海色
須臾火輪涌扶桑照破乾坤一夜黑僧言此地最
奇絕世間何翅仙凡隔嗟余俗緣磨不盡不能棲
此全吾樂他年勝遊如可續寄語山靈須記憶

簡易崔豈金剛山詩云山從水岵欲忘歸石度黃
龍為振衣多謝熙公相送意摩訶行裏住僧稀○
望峯詩云穿林跋石不謝多但見毗盧喜若何水
岵望時疑太露歸雲俄復作微霞

東岳李安訥送印彥上人遊楓岳詩十四首云飛
錫名山路飄然不空蹤先雲朝度巔共鶴暮依松
天冠經三暑頭流駐一冬東歸又何事秋晚众香
峯又云身事多違意秋來轉益悲如何憶山日空
賦送僧詩木落千峯秀雲生萬壑奇只應明月夜
幽夢遠相隨又云學語曾聞楓岳奇丹梯未躡髮
全稀秦城又見秋風起僧與白雲空自歸又云白
玉峯出碧海邊坐期四十五年前憑師說與山靈
道終老烟霞最上巔又云躑躅枯枝三尺長拄來
方丈入金剛十年走馬東華路未到名山髮已霜

師以
支為
林

又云送南蓬萊山上遊芙蓉秀出洞天

秋羽衣仙侶如相見乞得靈丹寄白頭又云年來

只欲扶昏眸挂却帰僧錫杖頭直上金剛峯第一

暫時看遍萬山林又云百病侵身不自由尋山又

負一年秋僧來却報閑東去黃葉西風滿眼愁又

云挽却征裾三日箇百年多病又逢秋仙山東望

思歸意附與寒蛩吟不休又云身如孤鶴跡如雲

飛步凌空本不群踏遍南州又東走正陽秋色錦

成紋又云日落城東路僧帰海畔山秋風吹鬢髮

霜葉一時斑又云老子身仍病秋城葉又飛九龍

潭上月空送一僧歸又云楓岳二山一其峯萬二
千人間不可托直欲訪群仙又云皆骨山東指年
年送衲衣幾時人送我秋日上須彌

竺山曹好蓋送惟政入楓岳詩云楓岳岡岫茅幾
層須知步步着金繩蒼茫未了鴻泥迥縹緲難迴
鶴夢凝瓊筆爭傳數萬甲一枝分照百千燈天香
滿院鳥肩靜栢樹柔桑是後徵

東溟鄭斗卿金剛山五首詩云金剛雄六合造化
此偏鍾海有東南地山開一萬峯門前琪樹出洞
口羽人逢絕壁通河漢洞中帝賜龍又云扶桑在

東海弱水向西流一萬峯巖出三千岳界浮如登
銀漢上可與赤松遊叢桂淮南樹幽人不足留又
云皆骨與天齊天高亦可梯風颿非是阻大隗本
來迷東海三神在中原五岳低群仙爭窟宅王母
恨居西又云海上盤根大峨峨氣壯哉俗名是皆
骨其實即蓬萊瀑水青霄落仙人白日来興公如
見此尔不賦天台又云山根鬱盤結入海正東開
其首知安在從天直北來臺雲青鶴下淵雨火龍
迴焉得高僧語同渠渡一盃

谿谷張維樂全公子楓岳遊詩云名山誰不遊俗

客山所嗔問誰為俗客靈臺多垢塵夫子有道氣
雅尚無緇磷脫略綺紈習結託清淨因況今訪仙
區靈泉注雪頻瑩然出清泚曝向高秋是身心兩
無染芳潔得日新將此入楓岳時哉屬蕭晨山靈
喜佳客雲物不嘖呻振衣毗盧頂一覽窮八垠
來正陽夜妙香發天真吾詩或有助九淵感潛鱗
白江李敬輿題金剛僧詩軸云卧聽蟬鳴樹閒看
鳥墜枝有僧來乞句扶病強題詩寺是曾遊處人
今異昔時何當雲霧窟與爾結幽期

清陰金尚容金剛山人法演詩軸次韻二首詩云

蓮社當年五老峯虎溪來往有陶翁金罍石室無
多地今日還堪嗣古風又云楓岳山中白足師蓮
華貝葉本神竒秋風遠過終南下添得詞林煥首
詩

澤堂李植楓岳道中詩云路入丹丘遯身疑白鶴
歸峯危排石劒崖滑老苔衣避雨叢林近窮源小
約微雲閑曾不掩塵躅至今稀

龍洲趙綢遊楓岳詩云七十遊山事異常雖無勝
具勝情長長安寺裏清鍾響真歇臺前白月光滿
眼芙蓉峯萬朵倒天河漢洞中央地靈步步菖蒲

在便歆仍之掃髮霜

西河李敏叙遊金剛詩云遊山如飲酒趣味識今
朝羣飲苦難歎酌亦無聊最宜兩三輩相勸不
相囂我行既倉卒儔侶無由招山中得之子喜如
醉醇醪並策登高岡連袂度危橋吟詩或竟夕對
酌或通宵空虛喜是音況子嶺之翹子今捨我歸
我懷殊怆怆他時倘相思尺素紆鬱陶○將遊金
剛途中詩云聞道神山在海東此行前去路何窮
煙光偏護溪邊柳秋色先侵岸上楓句漏燒丹尋
秘訣鹿門採藥慕高風山中一醉經千日起看浮

雲夢太空

市南俞樾養真驛望金剛山詩云歷盡羣山眼忽
新端空羨玉龜如荀還嫌夜雪千巖皓不辨金剛
本色新

允菴宋時烈自楓岳還詩云遊筇共逐海雲飛蓬
島清風滿袖得今朝又泛南湖水一任蒼烟染客
衣

明齋尹拯次栗谷楓岳三十韻詩云書冊埋頭三
十年不暇偷閑事遊屐嚶嚶我思古之人紫陽先
生愛廬岳翩然一出圭竇中此身已到金剛麓初

送百川得榆岵老栢千章翠落落山暎樓名擅一
洞石作砮橋跨傑閣佛頂危石插腦後宛見銀河
十二瀑山東特立號彌勒譬如俊人出千百羣峯
合皆拱日月萬夫之雄在其北輕簾飛過鴈門嶺
窈窕摩訶藏右腋褰裳去襲九龍淵泄霧噴雲洞
府窄欲為諸葛武侯祠西原隱者今難得归来却
煩兩師送為我一番洗林壑正陽寺裏二日留望
高諸峯面前碧七潭白石玩飛沫迸落玉盤珠百
斛便欲仍之托銅柱學得餐芝謝飲啄居然遜畫
表裏勝堪笑吾心未云足攀蘿更指毗盧頂此地

豈容人扶側舉足愈數身愈高石磴分明有舊迹
振衣千仞始豁然萬象森羅浩無極山間勝妙自
呈露向來區區勞挾摘大海茫茫眼底濶日輪昭
昭頭上白今朝始副百年心方喜吾行不虛作何
人妄說住墨錫有客空談控鸞鶴爭奇騁怪極談
詭舉俗昏昏長夜宿慙慙二十八字刻庶刮千人
萬人目還將名姓記石間好醜能無有媿色清遊
到此自忘歸不知嶮巇日將黑後來來者莫持疑
此境於人本無隔惆悵平生二三子不能同來共
吾輩濡毫漫和石潭篇遠寄良朋慰相憶○詠廢

菴詩云峭壁攢峯面面同高僧一去小菴空無人

解語山間經澗水潺湲月影中○蓬萊島三五七

言二首詩云一金剛二蓬萊元化別有天紫洞風

湍臺知有精神非俗物何不化鶴復歸來

萬瀑洞刻元化

洞天

又云西金剛東蓬萊不以佛號巖即將仙標臺

一任二家互爭奪獨取山間清景來

眉叟許穆金剛詩云綠蒼壁路入雲重樓使能詩

客住筇龍造化噴飛雪瀑劍精神削挿天峯蒼禽

白幾千年鶴嶺樞青高萬丈松僧不知吾春睡困

忽無心打日遶鍾

西溪朴世堂楓岳四絕詩云老吳斫桂常多暇更
斷蓮花萬二千散擲碧空根插地呀呀拍手烘羣
仙又云一一雕鏤獨殫巧化翁猶自費心機此將
五岳堪雄長擬着三山定是非又云排排比比如
相競恠恠奇奇似有神只恐蓮花無盡朵如來葉
葉解分身又云萬朵蓮開濯露容千枝戟插洗霜
鋒神仙失去蓬萊脚偷放花官曉晚鍾

三洞金昌翁望全剡山詩云數見物不鮮屢度情
易疲夫何此楓岳令我三來為塵區積百憂出門
偶及茲自下斷髮嶺屢叱我馬遲新院暫流憩午

飯白沙湄杏花照綠野瑶草被漣漪於焉已堪棲
進路轉懷可高颺寒晚靄半山出雲馳崢嶸積玉
標勢將逐風軟臨當九渡水氣狂不自持○蓬萊
歌云蓬萊羣峰羅碧天世人強名萬二千徃昔傳
在渤海中何時移來渤海邊赤縣羣主輕五岳願
登此山為神仙鯨翻颺作經幾載出門西來山嶽
然是何山高氣太清使我起疑鴻濛前長安谷口
列柏森香爐峯前萬澤深氤氲古道走瓊窟合沓
穹林連碧岑此是松喬出入門餐霞茹芝道不煩
行掃白雲捫石髮九淵蕩碧三花春嘈嘈天籟矯

游龍翳翳茵桂醉幽人別有高明天逸藎歸來倚
策重徘徊徘徊東望山滿眼一一乃見真蓬萊蓬
萊復蓬萊刻削以崢嶸物類之所象竦峙或若驚
隱隱煙雪的羅星青霄倏忽永即峙白玉錯落
众香城香城灝氣結繁霞一鶴高厲雲路賒目憶
蓬萊落海時銀臺金闕坐來疑扶桑日紅波雪山
众岫復似驚波馳山高海濶變化通太一下顧增
嗟咨人間何地擬此山天上何仙不往還我奈蓬
萊三入何空花飄眼玄髮斑苗亦不可久興亦不
可闌臨當下黃塵更奈昆盧何天台四萬八千丈

興公獨不負嵯峨登高能賦後人多我姑採葉於
香城之陽阿

久堂朴長遠發金城向楓岳詩云路異通溝縣崎
嶇似七盤仙山方在眼客子始怡顏得句青驢瘦
經霜赤葉寒懸知今夜興明月滿長安

定齋朴泰輔金剛山詩云雕鏤何恠巧盤結儘雄
閼列岫俱爭峻奔泉各競清風雲疑借勢珠玉豈
專精天下惟茲嶽偏能實副名

斷髮嶺

嶺即金城淮陽分界處在淮陽治西北一百二十里

蓋天摩山一脉路極險峻詰曲縈迴如羊腸又如率
然左右叢薄互相掩映至中峯有五兩洞靈泉迸瀉
味頗清冽嶺行十里始登其頂忽見楓岳諸峯歷歷
森朗自毘盧以下如萬層白玉堆疊於半天望之毛
骨竦然誌云羅太子登此而望見心悅落髮遂髡斷
髮云上有土壇我世祖駐蹕之所壇下有手植瓊樹
云表訓寺之前有拜帖李稼亭託云入此山必由此
帖登帖則見山見山則不覺稽顙故曰拜帖亦斷髮
之義也楓岳之路有二有涉通溝者由斷髮入和川
者由摩暉要之二嶺之巔庶可先領萬二千峯神秀

瑰奇之觀而特正對與斜對稍不同耳然全面半面
各自有態真坡老所謂橫看成嶺側看成峯者也

蘇齋盧守慎詩云第一峯頭慰飢渴人間信有別
乾坤玉山頽去雲根動雪嶺寒來鶴翼翻律華孤
撐為長老巔屹羅立似兒孫貪癡却笑何人意邀
舉先須作晚髡

石洲權輿賦贈元上人詩云人言楓岳是丹丘萬
古崦嵫碧海頭懸瀑斷崖多秀絕佛堂禪室可淹
留石門長照綠蘿月琪樹不知紅葉秋塵土幾年
勞夢想羨君蹤跡去悠悠

月沙李廷龜途中占云楓岳在何許雲遮山有
無尋禪欲斷髮問路是通溝未去心先爽聞未病
已蘇蓬萊片望裏彷彿見仙徒

西河詩云此行辛苦歆何之松桂叢中暮雨時閑
嶺相連縈似帶路歧無定亂如絲予曰急澗深浮
馬一面奇峯半露眉自是仙山存宿計不妨沾濕
又長飢又云準擬登茲嶺金剛對面看今來忽相
失何處覓長安又云山木陰陰溪水急濕雲回合
雨紛紛群山忽變千尋怪滄海東邊占地分

西溪詩云西崖東嶂合還開跋馬溪橋望幾回却

為目低看不盡盤盤更上巔頭來

農巖金昌協詩云夕宿近神山矯首望雲巔冥討
匪今始勝處心已領虛叢擁奇想撫枕情耿耿神
有羽人交夢與天路永輾轉遂已曙僕夫告晴景
又云自我東遊還靈山在肺腑宛宛一紀餘不謂
今再覩清晨躋崇巔異彩滿空宇叢叢千萬峰一
一如翔舞高扶天柱傾清見地靈聚蔚蔥絳霞氣
森朗羣玉府偉觀掩九有秀色竟千古平生所見
山瑣細誰復數行堂上絕頂或可小東魯
久堂詩云斷髮千重巔回頭萬二峯通溝今夜月

三才集時容

保拙齋

徐命均通溝途中詩云我坐黃堂裏日飽

列鼎几心雖念民

飢猶未若在己今出田野間怛

然不可視長峽莽回互蕭蕭數村里有田皆高巔

荒穀半無穗居民多鵠形紛然羅拜跪上供與官

稅徵責多色類所食猶不贍恐難免係累我欲與

停獄亦難一任意徒然懷歎咨深愧古良吏

許源詩云髮嶺初登可捫天蓬山東望杳無邊須

臾日出烟雲卷露出崢嶸萬二千

長安寺

萬川橋

青蓮庵

迦葉窟

嶺三十里一水凡九渡至長安洞口八日照門渡萬
川橋橋則金剛一山之門戶也亦稱飛虹橋橋內有
山映樓丁酉大水橋漂樓額而橋之舊石者今成木
橋傍有紀蹟碑東有松月應祥二僧碑始入寺門扁
曰長安寺又揭海東第一名山大刹八字尹嘯臯師
國筆也樓曰泛鍾曰神仙佛殿彌滿一洞釋迦峯地
藏峯觀音峯最高曰長慶峯為案對西有土山為主
鎮寺初於羅代律師真表重建於懷正其指點處普
賢水月龍船御香海是兜率青蓮等庵佛前古銅器
及金銀書藏經皆元順帝所賜而至正年間竒皇后

出金帛俾資重修為皇子祝釐云

蘇齋復入長安寺詩云出入仙區百里奇長安洞
口又停驂殘燹數置逢明白崇岳千重望隱違坐
印金沙依柳渚行穿碧石住苔磯可憐宿債何時
盡再到如新不覺歸

月沙宿長安寺贈老僧詩云世傳五十三軀佛金
像浮海而來自西方經云一萬二千墨無竭住在
東海之金剛山之得名蓋始此此言恍惚何茫茫
又聞天子遣禮幣歲時冠蓋來相望金珠寶貝溢

山阿山中草木皆馨香始知茲山名勝不獨擅一

國冠絕天下無與讓是以華人願一見作圖掛壁
空歎賞山中舊有百八寺丹崖照映黃金牐長安
表訓最雄麗舊是中朝之所創三千淨界與福地
盡棟綉拱森萬象我來清秋積雨霽百靈整肅山
如刮羣巖競秀玉芙蓉暎燭蒼霄露竒骨新霜幻
出錦綃光爛眼丹青似濃抹扶桑旭日照燭龍含
曜噴紅沫崦嵫落日明眩晃瓊宮與銀闕三更月
吐輝朗然億丈堆冰雪天台四萬八千丈對此應
須愁剗折太白去天只三百未聞雄蟠際溟渤吾
聞六鰲死三山流無乃茲山即其一天下仙人無

則已茲鄉定是神仙窟山中老僧年八十靜坐觀
空度小劫天花散落八祥雲時見雲車來石榻吾
將與爾翺仙蹤候覺五内生金砂毘盧峯上第一
層淨掃石室眠秋霞

西河出長安寺詩云萬水千山自在身白雲紅葉
好隨人今朝又出招提境欲向高顏訪隱淪

西溪長安寺次月沙韻贈僧詩云五岳十洲三十
六洞天楓嶠邈在滄海東獨絕彼三方道流俱疑
是蓬萊浮屠傳信為金剛二者皆涎骨臆說麾之
且可付杳茫但見銀簪玉筍萬千千東西南北羅

列森相望秋霜葉染萬崖赤
春花發千澗香赤城定羞慙
玄圃應避讓險絕堪教韓子
哭幽深合被謝公賞丹樓翠
閣乍隱見長安之寺懸大楊
剎崖剎壁置棟梁驅神使鬼
誰開創竺教東來亦大肆世
間不應有龍象垂老清遊適
邂逅眼塵心垢得洗刮簞輿
上山捷飛猿不勞藤杖扶衰
骨正陽東樓看晚景正似素
娥玉女相倚偎懶將鉛粉更
塗抹萬瀑匝香爐青壁瀝飛
沫百川爭一門西峯巖高闕
暮春之初天氣暖猶壯毗盧
峯頂雪白馬雄雄歆騁驟落
鴈迢迢恐摧折峯峯低昂各
有態

倚霄漢俯溟渤欲說仙山無盡好雖有巨筆如長
杠不能道一一但思伴老釋絕粒棲巖窟形神獲
超脫利勢謝驅劫此意終謬濶一宿借禪榻歸路
惘惘似有失玉潭聊就數珠砂出山回望迷所歷
惟見木末飛丹霞

三澗入長安寺詩云望寺石上坐心樂漱前川方
將且踟躕聊復此周旋輕輿古道出塵鞅弄水壺
不知松檜陰身已近真仙長橋架丹壑此水萬瀑
連炯晃彩殿大離列白礫圓牖首望積翠滿眸老
如前婉婉奇麗物尊有曾幾年靈源片雲歸長影

倒清漣日暮更步橋緬矣區中緣

晚靜堂長安寺詩云天鍾神秀海隅宗地遠曾無
秦漢封盤礴東南數百里環羅大小萬千峯俯看
日月昇沈景始知山河濶大容此去蓬瀛應不遠
凌虛直欲躡仙蹤

農巖宿青蓮菴詩云迢遙青蓮界少坐日已曛不
知何菴磬悠揚如近聞冥冥隱几外萬壑含氤氲
靜觀爐中烟欲化香城雲

簡易百川橋詩云百泉來會百川歸潭在中涵動
靜核最是真源窮不得回頭閣道思依依

三洞石橋詩云仙山違面久始覩石橋奇截兩虹
千尺凌河月半規溪流增響亮雲影送逶迤自此
丹丘迥爲杳角是誰○迦葉窟詩云携僧將索秘
逾往涉幽昧捫蘿拂厭浥降經貫燄黠神恬忘積
疲境遞生新爰空青散輕綺清涓續鳴珮磴轉絳
氣拆風蘿儻肺肺靈窟棲淡泊幽龕寂相對遽然
麋鹿寡守茲誰能每僧夏蘿壁頓佛影葯房晦環
簷山影厚瓊峯皓以載瓌奇竦物象清髡秀天態
晨登豈不峻半入高雲內振衣恐非余惝恍使心
暖一身有升降妙物趁身在尊高暢不閱魚淪悅

無礙竟皆人外樂畢命吾無悔

明鏡臺 太子城 水簾瀑 澄明塔 百塔

靈源卷

長安寺北五里釋迦峰下石壁陡起五六十丈廣可
十丈色微黃如開鏡有大龜石刻曰明鏡臺曰玉鏡
臺曰業鏡臺左有石城小竇如門新羅王子避世處
唐史新羅敬順王將降高麗太子諫之不聽遂痛哭
入此山依巖為屋麻衣草食以終其身云前有黃流
潭色紺黃十里有水簾瀑五里對石若門曰門塔五
里如傘者曰多寶塔撐立者曰多真塔五里有複塔

曰澄明塔曰溫塔五里大盤陀刻百塔洞天一塔高
可百餘丈四無依附色白故曰白塔有大小百塔自
明鏡臺北六七里曰迦葉窟刻曰靈源即菴之洞口
也菴在小地藏峰下即靈源祖師入定處故名菴左
有一石刻曰拜石環以十峯僧言祖師禮拜十王之
所右有五石錯立曰沃焦石上塑靈源石像地藏峯
屹立作主其餘羅列者曰十王峯也罪人使者牛頭
馬面將軍童子皆峯名而一山中有三大洞天曰元
化曰圓通曰靈源

明齋憶新羅王子詩云居僧尺斛參無竭行客無

從問草衣魂與劉謔遊地下祇今唯有舊山薇
三洞新羅太子遺城詩云霍山多所蘊冥探苦無
際足及靈輿宅神投應真契從容方未央忽此感
睥睨蒼莽雞林人霸氣昔來滯顛木有由蘄宗城
非自衛蜀謔背壕憤齋橫就島計廣傷主器覆編
圖一隅閑想其採挿初起躬士血涕將無萬夫地
候起帶天勢轉石玉山雷雲物八包係經營今可
見事遠終昧翳賴糊反故隍素雉宛半制靈溪不
復池寂寞以清逝松林氣屈強老藤絡蒼荔千年
鳴鶴集仙侶恍興替朝送望高道歷時山雨細永

歌危石下鬱然雲沾袂

蘇齋拜帖詩云此膝久不屈此心何事驚冰山彩
現見粉堞白虹嬰不道遐觀絢何知襲翫明時時
各呈面目日轉生情

栗谷靈臺菴詩云一牀高卧對高峯千里家山信
不通半夜鶴聲來枕上始知身在寂寥中

畏巖靈源菴贈上人詩云三界由來不可憑人間
白髮到山僧相逢共語當年事夜雪懸燈宿大乘
三洞靈源菴詩云空菴來習靜獨卧掩禪扉院晏
檣泉滴簷風榭葉飛嗒舌誰與偶澹爾欲無悌半

路逢寒拾松茶慰我饑○靈源洞詩云杖及靈源
口紫雲一迳幽何妨紅葉脫愈覺素峯稠百塔藏
何處千潭挹下流迷津春暖暖寒朗喜逢秋○百
塔洞詩云經險九龍淵樂餘神猶奔遺想在百塔
往踐高僧言飄飄金策先颯颯蘿衣翻氤氲登一
路屈折訪渾元翠壁多瑩秀丹嶂互飛蹇寺遠棧
梯斷莓莓怪石缺厲澗隨飲鹿攬蔓擬騰猿履滑
柔林萋萋帶掣老樹根屢坐非息疲多愛玉溜喧披
煙摘潛穎順風馥幽蓀采藥心無限高視白雲屯
曜靈將半規每懷未窮源山霏雨將結巔極雪猶

繁終然諸景萃惡睹列塔存三車數歸一得魚筌
可謖誘興興已暢遣有復奚論

百川洞

鳴淵

白華庵

三佛巖

自靈源西五里有刻曰百川洞左靈源右鳴淵合流
橫帶或斜或正故曰百川鳴淵卽長安五里大湫
有刻萬瀑下流也淵無底一名金同淵金同麓末居
士與懶翁惠勒爭道懶翁刻妙吉祥同以釘欲磨之
天雷雨洗同于淵化為蛟螭水為悲鳴曰鬱淵或曰
鳴韻淵白華菴浮圖在三佛巖數百步清虛師休靜
久住處近年重建有指空懶翁無學影配以清虛反

泗源惟政像庵後有七浮圖四石碑浮圖曰清虛曰
霽月堂敬軒曰就進堂義瑩曰鞭羊堂彥起曰清白
堂明照曰楓潭義湛曰月松堂應祥碑則李白軒李
月沙白洲靜觀齋之文義昌君東陽尉吳竹南朗善
君之筆也三佛巖在表訓南三里巨石當路刻釋迦
彌勒彌陀三佛像隅刻居士後刻比丘前是懶翁刻
後是金同刻又刻小佛亦金同之刻懶翁刻三佛金
同刻五十三佛加以十一蓋務勝也左刻三佛巖尹
嘯臯筆

西河百泉洞詩云水聲盈耳世音息山色橫襟座

相空冷然心眼無他物收取清閒滿腹中

農巖百川洞詩云溪行籃輿緩石門荒路隘曾游
已惚恍再窺終幽昧

蘇齋鳴潭詩云危峴千尋倒寒泉百丈飛山鳴谷
欲裂應有兩龍歸

明齋金剛洞詩云新羅世後二千年王子修禪事
杳然惟有子箇泉底水月精門外湛空淵

三淵過鳴淵詩云一宿起能早神宇恬且閒肅我
同遊子子興視青山朝瞰蔚舒霞金碧滿長安覽
周吟東濱遽迤入花間一路盡清潤春衣殊不乾

好鳥隱芳杜嚶鳴激嶺岼竹密百川翳石出諸庵
環新龕浮水月小歇觀潺湲清輝溢眇眇催我渡
玄灣危棧俯陰巖知是鯢桓蟠一笑過飄然跬步
改心顏

后溪趙裕壽詩云白華庵詩云衙居意不適命駕
入秋山萬嶂霜添縞千楓日減殷斜陽歇惺惺信
宿白華還何事窮訶行諸潭綠一般

西河觀音石像詩云蒼崖萬丈迴無塵刻畫彌天
大士身獨立空山清淨界千秋度過去來人

表訓寺 顯佛庵

寺在白華庵上新羅文武王時僧表訓所創五仙峯
為主鎮左青鶴臺前有凌波樓南有含影橋殿設假
山像金剛為龕安曇無竭即新羅僧法起也法起悟
道於金剛奉其像為主殿宇南闢佛座東向蓋此地
行舟形故安佛如坐舵云顯佛庵在其傍

蘇齋表訓寺詩云閑收亂石歌成枕故閑飛泉散
作藍待倦讀書徐步去金剛臺外看瓊尖

龍洲表訓寺詩云名山難秘聞中國表訓招提帝
賜幡回祿鬱攸頻逞技工倭繩墨又盈門供香相
繞金仙座沐髮人臨玉女盆暫借禪床伸兩脚向

來何事騁高軒

西河表訓寺詩云山日將昏而不微細路無人唯
鳥飛溪流百折石齧是水底戢戢羣羊肥山深路
黑迷所向欲問古寺行人稀悲風颯颯吹我裳僕
夫顛僵馬又飢咫尺長安不得渡隔林孤村夜叩
扉一夜寔間度雨聲平明欲出猶陰霏逶迤始訪
表訓寺澗水松風聲合圍沙門迎我坐佛堂僧粥
充飢火燎衣嗟余此行豈偶然數月幸脫紅塵鞅
我願山靈速放晴不窮此山吾不歸

三澗表訓寺詩云三樓山影歸表訓壯中間萬玉

崢嶸圓羣仙出入闌雲棲胎鶴穴雷吼閩龍灣
老長篇在紗籠四辟環

久堂表訓寺詩云梯迳高低闕碧蘿玉峯羅列白
峩峩廬山面目尋真在天姥烟霞較夢多乍喜此
身超汗漫嘿思前事費吟哦誰堪海內為長白解
和東遊一曲歌

白洲李明漢顯佛菴詩云山立千層玉川垂百丈
虹寂寥人不見來往白雲中

久堂顯佛菴次白洲韻詩云寺廢填紅葉秋晴落
彩虹客來還自去山色暮天中

昆侖崔昌大表訓寺詩云洞裏巖岵環插天山前
樓觀密舍烟清潭寫影幽花細古石垂陰老栢圓
寶殿香爐深寂寂碧林霜旭淨娟娟玄機只在無
言地獨伴閒僧枕肘眠

正陽寺 歇惺樓

寺在表訓北五里基以一山正脉故名或云南臨午
位故名藏大藏經一帙內山皆石而獨歇惺地多厚
土平坡上成數仞圓阜登樓眺望則處高勢豁萬二
千峯都在眼前雄據東北特立彌竦者毗盧峯金剛
之主也峰左永郎岫也岫前迦葉峯也緣右綿亘數

里者衆香城內山之宗脊也城之前園導者二曰大
小香爐峯右有法起峯天作法起之像故名隱然如
瓊髻者日出月出峯棲之前兀然白者穴望峰峰有
穴故名右有蒼鬱者望軍臺新羅王子望軍處也臺
左頽然而拱者丞相峰臺右屹然而聳者將軍峰兩
峰之間縹緲飛騰者二曰童子曰石鷹遠而圓者彌
勒峰下而三層者地藏峰彌勒之右連作三峰曰庶
日曰馬面曰牛頭皆象而名也右白馬峯傍列十王
峰上中下觀音峰長慶等峰當檻者青鶴臺樓南土
峰天逸臺亦名真歇臺眺望尤豁放光臺麗太祖登

岵巒無竭現靈太祖頂禮建寺故岡曰放光

齋正陽寺對月詩云銀蟾窺帝釋玉兔妬天燈
已信乾坤晝初疑洞燿冰細菡呈葉節新浴出岡
陵仙李成三夜空教把酒桶

月沙正陽寺詩云茫茫一氣裏萬古開天屏清朝
宿雲捲薄暮斜日明蒼霄堆白玉彩筆寫丹青人
間無此境何地有蓬瀛

晴峯尹承勳正陽寺詩云天寒白鳥巔月白香爐
峰碧落鳴秋籟仙人如可逢

西河正陽寺詩云要好看山盡處行正陽樓上獨

分明天成刻削呈顏面玉立清高露性情春雪尚
留元化洞海雲多住衆香城眼中蘭若知多少一
一孤烟巖際生又云招提古殿畫冥冥眼底千峯
繞綵屏上吳生畱繪畫陰威颯爽集仙靈又云
空山夜靜佛燈孤哀燈時聞怪鳥呼窓外驚頭看
突兀暗中摸索認香爐

明齋正陽寺詩云問甬為山壽幾千粉粧零落老
嬋娟人問漫結三生願鶴去堦空亦百年

西溪正陽寺逢上人詩云山人骨露如癯鶴溪叟
皮枯似老雞顏髮休嗟各凋換已將彈指古今齊

三淵正陽寺詩云圓臺舒嘯坐飛躍萬峰稠皓露
金莖擢蒼雲玉筍抽有心真宰設為宅列仙畱未
易畱歌詠低回桂月秋

久堂正陽寺詩云素月三千界青霞一萬峯正陽
今夜景人世再難逢又云山開積玉秋空冷露壓
危松鶴夢回雲卧正陽明月夜直疑身如在蓬萊
又云白頭三紀喜重来朝雨初添萬瀑雷新得句
時禽語樂舊題名處鶴巢顏同遊仙客今何在傳
像高禪亦可哀更諦一山真面地正陽南畔倚層
臺又云一別仙山四十年重来物色招依然雲間

削玉千峯列雨後奔雷萬瀑懸
舊壁題名塵已浣
空門結社影猶傳
白頭孤燭清無寐
強起裁詩續
舊篇

定齋正陽寺贈上人詩云千里尋山病適侵
正陽斜日強登臨
雪峰雲壑留餘興
藜杖他年擬更尋
晚靜堂正陽寺詩云地勢從北陸
山根蟠滄海
鬱結起衆嶽
列迤開一畧
嘉稱冠域內
秀色出天外
有客束輕裝
超遊遂言邁
寒陰日澄冽
秋色政澹
靄百丈激湍瀑
千尋鬱松檜
丹霞似赤城
白雲疑岱泰
蘭若彌巖壑
林藪映丹來
往往仙蹟留
斑斑

異事載蒼然極遐眺茫茫海宇大新霜染林樾白日爛錦繡霄漢近几席沆瀣生衣帶虎豹既絕跡飛禽皆視背恍見餐霞客乘雲飄羽蓋心清雖可樂神槩難久在願携驚人語模寫極物態又有一嘉樹在寺前森然特秀其狀似檣世所傳桂樹有詩曰嘉樹離披古寺傍攀援終日玩遺芳無人賞識天香色空谷徒然百尺長又萬瀑洞途中詩云八山如入聖人門鎖仰無非見道存自有尋常驚動處祇應心會口難言又云秋雨濕林壑游人且未歸赤葉隨風亂蕭蕭點客衣又出山詩云三日

秋山裏風雲滿客衣遽然還出洞回首更依依

蘇齋楓岳三十韻詩云白也南分迤瓌然左聚圍
俯臨暘谷海平睨鐵門閑鎮武尊盧頂紆庚抗拜
顏馬鷹騰遠近日月出中間燈影垂難滅香烟裊
莫攀創竒疑假郢輸巧恐勞般礦破無畱滓岡焚
只去頑森森動劒戟瑩瑩散珎環峭戴銀幡勝峴
齊玉筍班丘園賁了帛虛北擲來鏃吐露逢心爰
深潛避外訕形無少懦弱氣有每安閑和煦寧招
侮炎敲不受痕清癯還隱惡嚴厲更容孱但蓄雷
霆聞全移颺颺姦長河舜皎潔列宿謝編欄霧盡

時窺豹雲開屢失鵬不消從見睨湏泮始成潺宇
宙專剛耿風霜老禿鬚未嘗緇涅汚能復琢磨刪
鍾秀神應護儲精帝固慳由來賞林壑多是隔城
闌異葉熏衣馥殊葩照纈斑帶琴傳漠澌和籟送
喉喧紫露莖莖墜丹霞洞洞頌密崖求亦易苓窟
斷非艱世苟無仙道吾其死鬼寰韓工那寥閱筆
在孰追還觸目渾相警供吟轉自憫靈襟從此大
何日不東山

企齋申光漢書關東錄後詩云金剛有山一萬二
千峯地紀蓄縮雄關東鴻荒海外禹績所未到不

與五岳同尊。崇金牛未啓。蠶叢路空使。獵杭失木。
愁捫胸。神仙秘跡。往往函洞府。自非永郎徒。探討
誰能窮。蒼龍僵立。控朱鳥大關。一嶺還爭雄。架巖
鑿石。混沌死九十九曲。今盤空渤海。解瀛陌之封。
疆環列乎其下。兮山河百戰至今屹。立頭陀峯。憶
曾出刺真珠府。征驂一日跨穹窿。風雲暗連方丈
山。霓馬虹旗。芳彷彿。逢青童。乾坤逼側。到此極艱
險。未有寰區中。東臨渤海。浩蕩涵浪山。波岳千萬
重。攀援韋有叢。桂枝美人西望明光宮。歸來平地
恍如仙。夢回頭上日月空。忽忽疑神白晝再欵超。

越乎其間兮仙凡一隔無由通何人杖策覓餘聲
世路汨沒塵埃紅省洞先生是我丈人行零落幾
時能相逢流傳一軸閑東錄筆端變化其猶龍廬
山高蜀道難未如登大嶺使人對此愁忼忼能使
窮山潤色傳萬古金泥玉檢後世恐有未登封誰
知此老胸中收拾子長奇數間茅屋今明農山高
海濶芳詠詠長短句牙頰欲起洪濤風北征雅麗
杜工部南山刻鏤韓文公登臨佳處我亦領其要
款和二子難為工

象材申欽送人東遊詩云白玉峯岵萬二千平臨

東海青琉璃借問君有何仙骨舊笙鳳管隨所之
永郎述郎吾舊侶一落人寰獲髮絲君悌為報功
行滿太清宮裏要相追差沙百劫那名飯石髓黃
精徒角為請君且作一宿覺山遊不似天遊奇
西坡吳道一歌惺樓二首詩云籙立金剛萬二千
誰教翰納一樓前層層浩劫長留雷箇箇遙空不
墮蓮雲氣慕朝工淡抹月輪今古自孤懸廬山真
面山中見合把茲遊詫謫仙又云此境誠難狀出
真古今誰復語驚人縱方玉雷元非巧長儼芙蓉
芒涉陳何處無雲偏意態中宵有月自精神却疑

千佛朝天帝儼立銀伽百丈身

昆侖歇惺樓詩云金剛一萬二千峯白玉芙蓉間
巖重直是秋冬搖落際歇惺樓上見真容

后溪歇惺樓詩云雲扇徐開出衆香毗盧如女乍
窺牆朝暉與發瑤銀色夜雨添句花錦粧佳處更
多僧不說勝行雖困客逾狂籃輿又度摩訶去應
為仙塋看瀑忙

貞蕤朴齋家萬二千峯詩云移筇一日一峯頭百
歲三分始一周河曲九千崑最大秦居百二雍堪
傳高低自有千般異削劣都將一覽收皆骨為名

山是石多楓之故地宜秋羣奇滿眼知難悉衆皴
無邊孰布籌縮入丹青猶挂漏散為千億恣窮搜
名言定自禪經出題面還從巧歷求近海蒼茫元
氣積滿空飛舞素峯稠人生幸在高麗國天下應
無歇惺樓朵朵皆從雲變化登登盡是玉雕鏤浮
圖自作天然級瀛海初非分外洲百道泉來知經
衆四時寒在覺林修峯陰直接金城界炭路遙通
鐵嶺陞恰帶斜陽看陰現迴如微雪指端浮浮嵐
暖翠光皆動拔地參天勢更道置嶂森羅枉欲拜
層巒攢蹙笑迎眸無情有態回頭失異地同名屈

指愁乍望奔騰如有驟旋看拱揖似相酬天風忽
送笙簫韻木葉時同梵唄流險處髮隨山氣勁閒
來語帶水聲柔齋糧五岳懷前輩搔首青天問舊
遊弱水三千仙不到南朝四百寺空留坐窓碧笏
圍衣摺古屋蒼苔上瓦溝紗窗相驚真巨麗衆香
城處最深幽綠谿繡菊垂垂側抱石叢篁細細抽
高似吳門分白馬險於夔峽下黃牛尋常駕壑緣
神木幾度懸空汲鐵鉤一線天通痴鳥雀西山斧
劈怯猿猴危看一柱能支广高有千尋舊繫舟怪
怪奇奇元自別尖尖碎碎不相侔爭流競秀斯何

地尋壑經邱且未休避世華人名草草降香元使
事悠悠遊蹤佛有乘槎泛遺俗僧傳走瀑洄福地
神靈藏虎跡洞天風雨起龍湫鴻荒草木齊東語
鼇海桑田杞國憂白塢靈源長夢想青鞋布襪幾
夷猶書傳永述今千載地入新羅舊九州方士無
綠室采藥聖人聞此定乘桴泰山日觀風斯下華
嶽車箱較孰優一逐飛仙游未易也非行脚住無
由琳宮日落華鯨吼紺殿天寒怖鶴投是處堪移
宗炳卧幾人能不向平羞槎枒黛色心俱化窈窕
風湍耳與謀方外高遊期汗漫寰中小士任啁啾

依然摩詰圖中也得似山陰道上不楊老書同漣
水米玄齋筆比十洲仇易知難忘開新運側眺橫
看認某丘愧乏鴻詞鳴聖世但聞靈境秘遐陬三
更剪燭詩仍就一夕談山病已瘳再訪奇峰三十
六海山亭畔押輕鷗

裕元萬二千峯賦云大衍之數五十方夙玩味
於讀易三極立而闡理方五行互而藏宅一三
五七九方二四六八十策陰陽紐而主宰方野
箕尾而疆場蒼龍煌而正位方嶽特秀而祖長
白若大星之間小星方或百或五或三之界畫

呵醇化而幹運兮儲精液而充腠氤氲之氣如
是兮自出雲而雨亦濡天地而生物兮腔子外
而何役幾春秋而人到兮迺寄旺於土脊山外
山而峯峯兮托前蹟而編籍賦乎身則具體兮
各成質而尋繹既亨隆而圓崇兮象日月之朝
夕雷萬聲而噓息兮聽五音於擊石天九重而
秤麗兮硯有臍而樞闢曰萬二千兮疇為仲而
疇伯推九九而成數兮扪八八而演百攬聚遠
而環線兮道濶濶而圖赤散為萬而為千兮箇
箇歸於一脈見理明於五色兮對頭頭而何擇

緊左旋而右旋兮天所使而氣積嶽鎮方而不
動兮儼中處而舍澤橫亘壯於郭郭兮絡繹合
於珠壁接二氣而剖清濁兮萬六千而上下隔
降太一之大帝兮執七曜於空碧行惟健而不
息兮詔玄牝使窮索脩三體而莽蒼兮擎八柱
而踟躕匡廬屹而三十兮蘭若去而百尺禹刊
勞而斧燥兮章步渴而杖擲撐崦嵫而西傾兮
流瀨瀨而東坼予詭訝於二面兮蒙險止於大
翻峯皇後而漢武兮岱宗歷夫鄒嶧金泥鏤以
玉檢兮來迺怪之仙客名山五千三百兮書難

信於今昔七千七百七十兮吾道尊而探蹟夫
子不以天文語顏閔兮何必歸此山於摩訶釋

香爐峰

萬瀑洞

十潭

鶴臺

普德窟

自表訓東一里西石作門有刻曰金剛門外山九龍
淵亦有此門萬瀑洞在表訓五里蓋須彌與八潭二
洞水交流處也大小香爐為門戶青鶴對峙石面刻
曰踈桐泠泠風佩清清又曰蓬萊樞岳元化洞天又
曰萬瀑洞皆楊蓬萊筆又刻天下第一名山金谷雲
筆也又刻碁局於石面名曰三山局洞北溯青壺洞
有龍曲潭又有龍湫九畝淵萬折洞太上洞清泠瀨

至慈雲潭歷羽化洞赤龍潭降仙臺至須彌塔一洞
之內各為洞天者十一龍曲慈雲最佳挾須彌洞東
北行歷青龍潭有玉女洗頭盆石凹如臼普德菩薩
洗頭處也過白龍黑龍琵琶碧霞諸潭得噴雪潭倚
有大石如廬其上又得真珠潭又有龜潭船潭火龍
潭自黑龍而或稱八潭自青龍而或稱十潭皆以形
名而四龍指其窟宅也其明瞭清漪真珠噴雪絕勝
自噴雪導東崖上三里階窮而有窟曰普德窟高句
麗安原王時普德和尚所創前楹以十九節銅柱承
之用鐵索經緯而拘楹釘于巖上北有石臺軒穿一

穴下視不見底坐噴雪望之如在半空

栗谷萬瀑洞詩云石運高低入洞門洞中飛瀑怒
雷奔巖橫萬古難消雪山聳千秋不散雲獅子峯
前披翠霧火龍淵上坐黃昏夜投普德禪菴宿鶴
唳猿啼攪夢魂

龍洲萬瀑洞詩云數聲雲磬排深省身在全劉第
一菴蓬勃風埃塵世隔依稀魂夢羽人叅心潛沆
瀣收龜息骨冷天風謝鶴膝便覺衰容生脰翰死
灰何用老瞿曇

西河萬瀑洞詩云神仙洞府紫霞濃澗水東邊訪

碧峰撞破一山千霹靂
劈開瓊峽兩蛟龍
雲生不辨深深
疑日暮遙聞遠遠
鍾從此窮源如可到
太清真客定相逢
又云百道奔川噴
疑涼奇峯突兀
石門清潭澗澗瀑
紛無數一一何人
強指名○鶴臺詩
云谷口涼風拂面
來瑞霞香霧擁仙
臺臺邊老樹秋光
暮笙鶴千年去不
迴

明齋萬瀑洞詩云瓊
鶴臺為萬瀑門火
龍潭向黑龍奔石
獅右挹香爐氣五
老南連穴望雲真
佛深庵夏畱雪觀
音幽窟畫猶昏剜
崖大字人何去應
有歸來洞裏魂○
船潭詩云武夷三
曲舊藏艤移

壑何年在此淵我欲張帆浮大海長風萬里去悠然

農巖萬瀑洞詩云山鳥千啼復萬啼幽人行坐水
東西霞標絳氣扶丹嶂楓暈青林覆綠溪獨往聊
申康樂意重遊未覺武陵迷古來幾許同吾興巡
徧蒼厓覓舊題○碧霞潭詩云東厓鷹隼翔北厓
猿猱跌西厓香鑪起屹屹如相扶回環拱一潭蔚
為众美都巖水皓同色楓栝森萬株朝光滂淵淪
众影搖空虛即目物皆鮮求多理無餘永日寄俯
仰欲去還踟躕幽討帶禪伯高興及僕夫且坐看

香城雲氣何其殊。萬瀑洞口遇兩詩云步自摩
訶日午暝行經萬瀑已斜暉林間好鳥啼難盡木
末幽花開不稀真歇臺西雲聚處香爐峯下雨紛
飛山僧定恠游人意堅坐蒼巖聽濕衣又云靈山
闌紫洞合沓千萬重高屋上雲漢綠蘿垂青楓噴
薄數十潭如行三峽中聲搖銅柱窟影動香爐峰
五月失火雲飛雪若大冬清飆灑不歇爾爾留寒
松我來濯塵熱高興彌蒼穹泉源弄珠壁木末搴
芙蓉矯首望永郎幽歌感潭龍暝時日已晚雨下

金臺東

三淵萬瀑洞詩云潛躍龍無首高低瀑有源噓為
雲淦淦衛以石躡躡蓬老銀鉤絡芭翁赤舄痕陽
阿晞我髮下有洗頭盆○碧霞潭詩云山莫尊楓
岳潭有數碧霞天光無前步石面欠鎔磨幸有香
城蘸方將錦樹遮吾家水蘆在意愜向誰誇○詠
楊蓬萊大字詩云奇哉蓬萊老落筆萬瀑中巨鏡
八盤石勁然氣甚雄流水浸將半繞字走驚濤偏
側雷雨淵愛矯通游龍竦杖挹奇韻斯人倘仙翁
昆侖萬瀑洞詩云森削羣峰轉望新清潭小石絕
微塵陰厓凍合千年雪香木青含上古春玉舄有

期欺漢帝漁舟無路訪秦人
深林古洞如何有往
往雲端降百神

永湖許頴萬瀑洞詩云不向此山遊
焉知天下勝
要畱千古迹鐘石題名姓

后溪萬瀑洞詩云萬二千巖各滴淙
合為轟瀑觸
爐峰雷霆臺怖瓊青鶴雪電潭噴
五色龍金地無
蹊唯鐵鎖玉山何水不珠
春飛流濺沫從他怒尺
恐蓬萊字滅蹤

蘇齋香爐峰詩云香爐勢絕獨亭亭
雪滿羣峰出
玉屏仔細看來徒亂意丹青十日
畫難形○普賢

菴詩云禪寂無塵地誰教客一登松杉代陶尾金
碧被岡陵得食馴來雀休糧定後僧不言含笑去
絲路又層層○奇奇庵詩云憐甬石中老色如松
葉青殘骸元土木自性亦虛靈積暗叅諸佛根貧
擬一乘他年幸頓悟賴有法惺惺

益齋李齊賢普德窟詩云陰風生巖曲溪水深更
綠倚杖望層巔飛簷駕雲木

蘇齋普德窟詩云斷崖風欲踣回磴鳥愁緣檻壓
孤銅柱簷磨半壁天龍蟠灑積雪獅起送香烟是
處閑忙話浮生儘偶然

簡易普德窟詩云衰翁望七試遊山興入香爐瀑
布間已自相期雲際鶴誰言銅柱絕難攀

三淵普德窟詩云大士昔沆紗巖在迹不迷楊水
渺千春時禽石上啼更問華人沉溯回羣龍溪樂
極易忘死意會真無睽循岸將距源抱林屢問蹊
目驚石鷹側飛閣駕風霓嵌空蘊金竇石磴露雲
梯鐵鎖拖銅柱橫豎力與齊勢危洞不測切詭入
無倪莫詰鑿虛意沉吟撫青藜金潭噴沫高畫簷
歌影低亭水結玲瓏遊人赤日西仰之妙一登
之詐久棲又云銅柱青霞杪扶顛鐵鎖聯地無金

可布室與磬俱懸勢遡鷗翔逮切齊蜃構圓浮屠
信多幻普德定何禪

晴峯普德窟詩云銅柱何年設丹崖百丈高粘空
翔鐵鳳壓地駕蒼鰲禹斧知應斲秦鞭問幾勞攀
躋愁永日鰲手接飛猱

久堂普德窟次晴峰韻詩云白玉千峯古青銅一
柱高天空聞獨鶴地迫戴羣鰲竟日攀躋苦多年
造化勞寺門人不見寒殿集飢猱又絕二首云洞
裏鶴天空風前松子落孤庵不見僧客意禽先覺
又云鐵鎖垂千劫金堂擎百層寺空雲滿地斜日

客來登

圓通庵 真佛庵 須彌塔 九九洞 須彌

庵 須彌臺

內圓通在九畝萬折之間須彌路左也臺上小石如
印顥圓通大師修道處也我世祖朝圓通為指路賜
印以應故名印峰外山亦有圓通真佛庵有三石矗
削名曰三難石久廢僧允洽重建自降仙臺數里曰
須彌峯又行數里即須彌塔高可六七十丈大約與
百塔同高與白過之傍托之石四而塔身照三塔趾
刻須彌洞南入三塔亦有橫紋但粘壁不如須彌之

獨立左有雪峯以是九九洞須彌臺也

蘇齋圓通庵詩云真德天何妙圓通證亦奇臺前
栢樹子庵裏海禪師玉局三千累香槃十二時北
辰與南斗攀得是男兒

西河圓通洞口暮歸詩云洞府深深路不分清溪
幾處踏秋雲歸來月出蒼苔暎萬壑松聲十里聞
又云步步瓊潭帶玉流沿溪一道洞門出此中久
識圓通寺微徑難尋落木林

三洞真佛庵詩云真佛無雙累高巖縹氣凝雲迎
尋瀑客橋斷食松僧象枕填紅葉璇題蔓紫藤莊

嚴知所創緬矣自光陵

蘇齋沙彌峯詩云何限倚雲嶽森然天琢成銀矛
方陣列霜刃忽縱橫練布何時奏霞飛不敢明朝
照長在眼箇箇使人驚○須彌庵詩云日日尋真
去行行趣不稀鳥鳴聞欲死苗馥採當歸槎蘚封
千疊松蘿韞幾圍山中甲子異五月六花飛

三洞須彌臺詩云豁豁洞天小中自納須彌佛塔
重瑤級仙杵累玉棋清真挹姑射瓊富閱波斯半
日穿羅密忘疲始賭奇又云摘花須窮百尺枝探
珠湏沒九重淵登山不深入妙境胡得寫我從圓

通問邪往云從若士與列仙朝登船庵北皓若重
帷塞成削崢嶸復卓犖聞名千峰皆積玉瑩瑩秀
色去忘足捫斷幽蘿玄雪落蘭林婀娜間自扇白
日氤氲漫山栢清泠之水來一抱白塔自起非人
造毗盧西轉永郎岵異氣盤紆積來早寥闕恍惚
天地戶寂寞恬愉采真道徘徊欲起復不起更望
瑤臺奇絕倒東皇膏澤青瑤流永郎氣息金光草
吾將命以為瑤圃吾將與君補三老淡泊神明永
相保遂令白雲騰往求三青鳥雲亦不復來鳥入
寥天渺義和倚峻嶺告余以忽忽玄熊食草走涎

澁將欲歸來惆恍惚

摩訶衍 佛地庵 船庵 獅子菴 衆香城

白雲臺 妙吉祥

大龍潭東北二里庵名梵語摩訶大也行來也亦名
大乘庵羅僧義相初屢廢興近成一小庵庵在於山
之中央背迦葉面法起穴望左衆香石七寶庭有桂
樹衆香城中石如佛像具床卓見者罕又東北二里
有萬灰庵踰一嶺巖徑中絕垂兩條鐵索攀登二丈
其頂曰白雲臺望羣峰一名筌簧峯又東數里路左
有石壁高可數十仞刻大佛像謂妙吉祥廣可五丈

石上尚有金同斧痕云右刻妙吉祥三大字尹嘯臯
筆佛地旌庵獅子等庵在其傍

蓋齋摩訶衍詩云山中日亭午草露濕芭屨古寺
無居僧白雲滿庭戶

月沙摩訶衍詩云桂樹叢生石路縈衆香環繞作
三清居僧見慣渾閒事謾向山門管送迎

西河摩訶衍詩云佳境在深處壯觀宜上層興未
還獨往不必問山僧又云弱冠東遊過此庵暮鍾
晨磬雜猿吟今來廢院無人掃門外蒼苔落葉深
衆巖摩訶衍詩云何限勝羅外諸天在上頭吾窮

萬瀑到僧閑一卷幽赤日香城雪青林桂樹秋火

雷貧藥氣風髮卧颯颯

三淵摩訶行詩云言觀曇無竭行息摩訶行林間
有靜柯溪平少驚濺窈窕境自別真興不可逃蒼
蠅對我蹲青鴿晝稀嘯已有冥棲僧客至湛相見
無言能感余暫欲忽纓弁蕭條害馬去滅沒諸有
遣山臆風以開衆香若披面信宿度晴雨心依悵
身轉將去捫老木此桂誠可憇又云森聳峰如衛
泓崢嶸若空水窮雲滿院僧定客依楓斫桂憎吳
質開巖晒謝公深知永郎意未欲世人通○獅子

巖詩云獅子蹲堪畏威神亦大哉低垂石鷹翻沈
寂火龍雷百魅眠時伏千崖吼後摧紛紛俗士駕
胡不喝教迴○船菴詩云船菴舊三宿蒲酒結清
緣翠栢爐香外紅泉盥漱前冥棲稀鳥語閒立值
態懸一迳穿迦葉巖姿箇箇仙○佛地菴詩云返
我毗盧策徙君佛地菴蕭然委鳬舫閒爾託禪龕
紫菊搖空色蒼杉挂暮嵐孤光天罅拆遙與佛燈

參

簡易籃輿詩云寤寐名山六十年籃輿此日繞山
前人間但說天難到萬二千峯一一天

三淵登衆香城詩云朝霞衛一路路絕香城起冥
游隨目朗竦體以高峙折桂掃紫芬寥芳藉素髓
寥廓正氣由端緒久在是團天積蒼蒼上下叅萬
里將身混沆瀣不知氣表裏長嘯激九陽神明溢
皓齒至道淡不煩奚必廣成子雲長倘相問曰我
友太始

蘇齋金剛臺詩云興來何地是難躋斷壁重重亦
可梯玉犬金鷄鳴左右雲龍石室遍高低後凋琪
樹千章老上品靈苗五葉齊更有幾峰為絕頂依
然出鵠自雲泥

西河白雲臺詩云一溪深入訪松蘿寒雨蕭蕭落
葉多惆悵十五川畔路亂雲深處望嵯峨

三澗白雲臺詩云天險不可升高臺薄層旻攀援
由鐵鎖裊裊以致身長風萬仞積降望生蒼塵白
日漏光急雲影走如輪神搖久乃凝目眩轉能醒
萬象歸孤峭千念委太清悲生人世小笑發身軀
輕（金剛臺詩云飛來雙青鶴飛去故巢落崢嶸
百餘年遊子仰苔壁桂樹幾株遷玉乳他巖滴靈
源窈窕處復聞出奇翮天晴傍僧飛盤舞小松蘿
隱見宥誰測靈壽好已多但聞背上翁真興竟如

何浮遊凌海月出入擁彩霞今我来躑躅足蘭臺

下過

笑齋許脩白雲臺詩云天風生腋白雲開人事茫
茫萬念灰海上千千頭白鳥夕陽來止紫霞臺

毗盧峯 九井峯

毗盧峯洞口在妙吉之東登雁門巔望之最近梵語
毗盧至高之義此峯於金剛最高故名焉卽金剛內
外山之祖而右為內山左為外山內山多石而少土
外山多土而少石故外山蒼而雄內山白而銳此內
外之別也

佔畢齋看日出詩云金剛之山高挿天白石亭亭
露秋骨搏桑遠影暗句引日觀孤標共嶺峯我昔
討奇跋絕頂手闢雲關敲石室滄溟眼底小如杯
八極風來神橫逸同遊老僧倚壁睡夜半跣客候
初日北方沆瀣澄似酒天外鷄鳴聞彷彿是時暘
谷半明暗卧牛車蓋爭點綴長庚睽睽欲收芒火
輪忽輾波濤出紅光騰起數十丈萬里驚濤魚龍
窟人寰鼻息尚雷鳴輒向峯頭晞我髮平生偉觀
此已足岱宗之遊豈相埒不須崦嵫看八處至今
冷笑夸父渴

栗谷登毗盧峯詩云曳杖陟崔嵬長風四面來青
天頭上帽碧海掌中杯○看日出詩云嵯峨雪峯
幾千仞鳥道人行白雲外青藜屐上聲確中兩眼
漸覺東丘隘夜投禪室徹曉坐時聽笙簫來上界
金雞一鳴登絕頂萬境熹微天尚昧須臾火光漲
天地不辨滄波與曉靄朱輪轉上數竿高一朶彩
雲如傘蓋青紅漸分水與天極目始知東海大扶
桑暘谷渺何處欲看出處知無奈秦皇夸父等小
兒千載令人起一喟

眉叟九井峯詩云支題秀出八千丈毗盧瑞石叅

相望上有蒼苔九龍井變化雲雨連溟漲仙人搖
石青臺間丘壑欲摧空低仰長生石標秘不開室
為千古恣欺誑異事漠漠誰料得使我獨立神慘
愴依舊千年石鹿車直俯虛崖窺睠矐排風遊霧
安可挫呵妖叱怪神愈旺翩然被髮戲帝傍下與
萬物俱跌踢

明齋毗盧峰詩云泠泠似御九霄風豁豁方開萬
古胷從此金剛傳勝蹟晦翁詩在最高峯

藥泉南九萬毗盧峯詩云興在毗盧月心馳萬瀑
晴方愁春欲去更羨子先行何日歸榆岵今朝別

漢城逝將追勝躡菴外肯相迎

醒愚許啓贈金剛上人詩云一別金剛萬二峯十年塵跡已衰翁毗盧九井應無恙欲御泠泠兩腋風

三淵毗盧峰詩云吾遊於是始秋日上毗盧窠廓

天何有崢嶸地已無圓暈黃鵠睹濶入大鵬圖敢

謂朝鮮小蜉蝣笑此軀○看日出詩云半枕香爐

夢推牕日涌溟迢迢賓駕轉漾漾浴盆停紫合楓

林壁青搖栢樹庭蛟涎與鯨吸曾厭洛山腥

荷谷許筠楓岳寄舍弟詩云八月十五夜獨立毗

廬頂桂樹天霜冷西風一鴈影又云兄在順天府
弟居明禮坊年年離別恨苦淚濕秋霜

鴈門嶺 隱仙臺 十二瀑 曉雲洞 外船

潭 萬景臺 中內院

妙吉祥東十里一水十渡水窮而嶺五里曰鴈門站
一名內水站以俚語與鴈門相似也內屬淮陽界外
屬高城界登站則上設一草茨即遠有輿處下十五
里入設兩尖補點心廳自摩訶至榆站三十里由廳
十里有七寶臺毗廬後面近者汰落二石今作五寶
臺北有隱仙臺臺十二層瀑高如白雲下有立巖十

五里有石九竇古九龍所宅榆岫興龍徙九龍洞刻
曰曉雲洞南三里得舩潭左西北二里有萬景洞盖
舩潭上流與萬瀑伯仲行二十里踰大小嶺四緣壁
行五里有萬景臺見金剛全面東臨滄海四踰大小
嶺北五里曰中內院峯岬如波上島嶼傍有巨巖陰
而踰之一人小撓百人亦然更自舩潭東三里大聖
山為主鎮三印峰為案對

蘇齋鴈門嶺詩云無處辭扶老何時免獨行從巖
爭露髻聽鳥自呼名採藥還供飯臨流屢濯纓茲
遊愜心賞已足冠平生

澤堂十二瀑詩云億丈蓬山面誰刻十二重層崖
泉膏沸一道瀑卷容霹靂寧爭響雲霞不秘蹤聊
凭金粟頂俯瞰玉鱗龍

三澗隱身臺詩云削鐵霜崖匝垂綃雪瀑長粼粼
風湍脈拍拍海吹裳鶴馭瞻遙舉蛙壚愧大方仍
思折若木拂日以相羊

西河隱仙臺看十二瀑詩云萬山環擁一峯孤澗
聲秋深氣色殊十二飛泉遙在眼北風吹面送跳
珠

后溪隱仙臺望十二瀑詩云勍敵臺高看不遙瀑

從西嶺降迢迢靈咆壁圻三千丈帝醉河翻十二
條竹郎承來巖歷歷虹腰挂下壑寥寥松林窟上
深深谷自古無僧得領要

陽谷蘇世讓贈上人詩云關東山水名天下楓岳
峴峴第一奇聞說崇師深住錫直從青歲到霜眉
又云老我卧遊今幾春尚為塵網未離身何成帶
得煙霞語如見金剛面目真

久堂萬景臺詩云辛苦來攀百尺羅度嵯峨了更
嵯峨風中仙樂天門近雨後秋雲海國多眼為難
窮還欲挾詩因乏巧不堪哦何時得遂乘桴志納

納乾坤浩浩歌

澤堂萬景臺詩云臺名萬景無多景只是蒼巖峰
碧淥烏兔迭從輪蓋轉鱗鯢自在尾間深直將眼
界為天界都把吾心看水心多少征途登眺者甕
中空費螭姑吟

三洞中內院詩云木石俱蒼瘦空菴淡景斜雲應
守厨白風自拂袈裟洩洩絕初無我淹遲已是家高
窓收潤海閃閃浪生花

榆岵寺 西來閣

新羅南解王時有五十三佛自月氏乘鐵鍾泊安昌

浦高城守盧僣迹其後一獐一狗引路過嶺聞鍾而
入鍾掛榆樹枝諸佛羅列其下剏寺因名榆岵遂盤
榆枝槎蘖間安佛像櫻號山映塔十三級西廡揭清
虛泗溟兩禪影東室塑盧僣像寺三百間多藏古蹟
有雕金奩貯二片貝葉葉微黃稍厚表裏梵字細如
螳不可辨字畫整勅毫髮相鱗即文殊筆云唐外史
大秦之西有貝多國山多貝多樹國人以秋冬蓄其
葉青磁水和恭書之經萬劫不泐高宗三年貢貝多
經命褚遂良編次藏之歷五季至宋領賜高麗者也
雲錦函盛觀音經一帖以泥金書之卽我朝仁穆王

后手筆而此在西宮時為永安公主祝願也帖尾永
明公主詳記顛末又有賜牌簇于我成廟朝御押也
塔後有大纛歲久毛盡落櫻鍾刻鄭翼惠蘭宗記皆
我世祖時事也鸚鵡杯其制極巧而所鏤人物花卉
雖如纖毫皆有活動意琥珀杯以琉璃為臺佛輦珠
絡上下錦帳照耀炫爛明珠瑪瑙之屬間綴五色繡
囊光彩射人此皆內賜物也又有真珠方席僧言諸
佛東來時物云金生真本烏楮金字細楷勁畫實非
唐宋以下諸筆之所及也寺之屬菴曰般若白蓮明
寂興成得道五菴而般若在越溪上西來閣傍又其

右有七星閣烏啄井八浮圖五石碑西來閣奉兩朝
御書不壞法雲四字翼廟筆也六千世界法雲漫漫
八字憲廟筆也有小玉佛一軀安於室壁龕內佛前
刊香卓烏銅小香爐度錦綵金題之佛書

蘇齋榆岵寺詩云山中無俗侶雲鶴與同過幽
行疑盡閑花把愛多林禽啼節序庵子老烟霞漸
出外山外莫令塵事加

簡易齋榆岵寺謝別上人詩云一味禪心山映櫻
未妨將水甃同流殷勤送我出山去我亦依依回
白頭

澤堂榆岵寺詩云碧海環蓬島金僊駕石鍾千秋
微異說四海想禪宗有儼青蓮字刻羅白玉峯斑
題紅日絢繡栱彩霞濃法席香飄桂齋厨翠滴松
風鈴晴自語雲碓夜仍舂寶塔金輪表芝編玉檢
封薰爐燒翡翠華燭鏤芙蓉舊俗崇三寶當年降
六龍神鴉開甯沸瑞庶纈芳茸巖洞皆仙迹珍竒
盡佛供風塵猶漠漠燒劫亦重重俛仰浮生事經
過幾客蹤真丹倘可化歲晚更投筇○曹溪觀瀑
詩云前日百川洞瀑勢猶未巨曹溪三日雨壯觀
實罕侶羣瀑漲一壑奮猛孰能禦亂石當其間相

持作咀謁卷撞豈自止梗捍反欲拒巖巖屹不動
活活流必去千回溢窪坎萬折經險阻觀其吞吐
狀變態難悉叙或湧若峯壘或堆若砥渚或會如
市塵或聚如商祿或如車敗輶或如白受杵或掛
若簾箔或布若縞紵或散若珠迸或沸若湯煮或
翻若鞞鷹或逗若藩籬或跳若脫窰或縮若入褚
或如瓢注醬或如篩瀝醕或屹立如柱或對仗如
礎或卷若筵席或橫如案俎騰如雷衣鶴竄如冰
鬚凜或晃流天垂或組帳颺舉或旁激推岸或中
開成渚或駟駟冲陣或戈戟嬰圍或狂夫瞿瞿或

碩人僕僕或如強項令摧剛柔不如或如賈勇夫
怒拳爭跋雖陰符縱捭闔白戰堅脊脊巴山巖抗
張海岱齊餘營建瓴北攻趙方舟南下楚聲音又
何異咫尺隱笑語鞞鞞鼓鳴枹嘈宏鍾響簫或鏗
鏘佩環或合止祝啟或雜若唱嘖或和若律呂或
殷若轟霆或細若鳴杼喧爭若仇讐嗔喝若雨汝
或逆行趨坦或徑行逢沮崩如覆城堙塌若摧墻
寧彭浪汨復轉蕩滴峻以紆繞看數畝平却放千
丈許吹霏細雨濛洒潤零露滑日映絢紅暈風掀
亂絲緒清如於陵士白如耶溪女雕龍舌未窮豎

亥步應跼橫流恐襄陵快瀉疑吞野方聞浸缺畝
更報沒木黍折葦飢代航采蘋飢提管無人辨鮫
室有誰燃犀炸山前大瀛海畢竟是歸處其東極
天維其下深島嶼焦山何曾泐尾閭無盡貯幽沈
囚鯢鯢滄瀟潛魴鱖向來千百愛及茲了無所大
哉坎之德消流積有序臨川起聖歎浴沂亦所與
由來曹洞水甘味勝耐醺琳宮在空曲粉牆疑禁
籓清涼開士室五月遺炎暑平生山水癖守官類
拘囹訟洄快心賞宿昔忘憂癘旋歸若遺失摹寫
煩纖楮他年託陳迹此句宜吟咀

西河榆岾寺詩云暮過泉橋上有輿路不窮神清
秋色裏眼冷水光中霧橋迎風暗霜楓背日紅夜
深迷古寺寒磬小溪東

明齋榆岾寺詩云百川橋頭訪玄蹤盧鳥泉邊一
逕通逾嶂越澗四十里有寺獨擅山之東三重華
構爛朱碧十層寶塔光玲瓏峯壑雖讓內山奇地
勢却說煩深雄童土先生魯陵守水城使君烏川
翁蒼顏素髮靜相對宛似園綺高山中笑看人間
手脚忙肯許凡骨來叅同座邊喜是衛叔寶林下
軫非阮仲容芳樽相屬石門樓日夕爽籟清心骨

酒中何事忽悲慨舉目天地腥塵蒙不能長往入
河海且復遊走隨蒿蓬暇日逍遙豈真樂有時危
涕垂雙瞳空懷千載邵堯夫太平煙月嵩岑風
三洲榆岵寺詩西方知樂土諸佛怪東來恍惚石
航度微茫榆岵開龍移淵涌塔烏去井含苔閔漬
何為者盧春果有歎○彌勒峯詩云玉立亭亭幹
遙瞻倚太清可贈彌勒號合易列僊名沆瀣永留
面扶桑日射精天荒不偃僂泡視幾浮生

久堂山映樓詩云下架虛無地中通小有天樓高
愁易起溪開夢難圓山擁簾旌外雲生磴砌邊禪

枝鴉定後新月上華筵

上下鉞淵 神溪寺 外圓通 玉流洞 連

珠潭 飛鳳瀑 舞鳳瀑 九龍淵

鉞淵在神溪北二十五里雙流處為上鉞六窪處為下鉞第五淵圓如盂故名刻曰蓬萊島楊士彥筆也古有寺今廢昔真律師跣趺坐馳於偃瀑而定心名曰馳瀑神溪寺高城西三里未及寺五里壁刻神溪洞門寺前溪水海魚不敢過故名寺後有觀音竹西向九龍淵玉流洞門蓬萊筆全石偃瀑色白如玉內外山之最南三里二潭相連曰連珠潭西巖壁如

長城西三里得飛鳳瀑一道活玉劈開若烟上繩直
下微弓有青玉小潭又得舞鳳瀑上作偃波下作飛
瀑絕頂皆有奇石形如飛舞之鳳以為名傍有層巖
十餘丈曰九成臺五里有雲錦瀑西五里頂凹如門
又似馬耳瀑流雙耳間約可千丈從空直瀉着于圓
湫是謂九龍湫亦稱龍角穴九龍穴或曰瀑從外八
潭其序居九故名法喜詩曰九龍各窟千尋碧據此
則上八潭與此湫皆有一龍也湫邊刻曰怒瀑中瀉
使人眩轉宋尤蒼筆也自湫攀上六七里俯瞰有八
巨泓上下作竅是謂外八潭

澤堂元通寺詩云蘭若干峯底松蘿一逕幽偶投
方丈宿却作半旬留瀑漲迷歸路雲霾阻上頭浮
生有緣會行止慙悠悠○松林窟詩云窈窕松林
窟莊嚴石佛軀桂香時入榻泉乳自通厨說法淵
龍聽鳴鍾木魅趨人寰知己遠巖逕自春蕪又云
不覺巖扃邃欣逢霽景鮮中天猶散雨絕頂故飛
泉碧澗添奔漲青林濕晚烟歸蹊鋪錦石蘚滑不
堪穿

明齋鉢淵菴詩云鑿巖如鉢象汗樽鋪石為筵敵
洞門別有寺僧呈伎倆一番馳瀑一番喧○九龍

淵詩云夢遊成子已無迹月落洪生空有魂深求
隱僻豈吾道不立巖壙真聖言又云鑿山開道謝
靈運咋指悔狂韓退之却恐後來人又悞一言畱
與石間知

荷谷遊九龍淵寄人詩云懸蘿暗鎖九龍洞鶴背
冷然縱飛輻紫簫聲裏宿雲低白玉峯頭寒月湧
歸來怊恍邯鄲夢不覺朝暉照高棟惆悵江南無
鴈過此時此景誰人共

三淵九龍淵詩云初淵鑿開鏡水石均清圓岸危
立樑木何由恣蕩沿又云二淵懸郭似瀑流喧吐

谷誰知呀然小通洞搏桑根又云三淵蕩潏潏黛
綠徹中深神奇不可狎默躲遙崖臨又云四淵勢
舒緩聲色稍愉人凌兢借下瀨半涉回頭頻又云
五淵急回軋南甍側成釜馳波迭後先赴隘徘徊
舞又云六淵美如璧清涵石紋粹竦髮注眸深高
雲正泛翠又云七淵幅圓少寂寥承清瀛河車三
鼓輜轉入魚鱗屋又云八淵淺堪漱潛龍易出身
日靜玩澹瀨真為遭睡人又云九淵落山外繡引
千尋湍連聲日夜搗神物中自安又歌云水落毗
盧峯錡錡萬仞聲東魚九井峯下溪流向海門石

僻隘西來五十有三佛夜半驅龍以金策龍失宅
叫其子雲亦片片與龍徙淪洞百丈龍實都環以
挿天雲錦僻九龍上下白石素明鏡為底水銀滴
鼓髻磨鬣石痕古龍之為寢見佛力和潤觀者慄
未遍及至終潤髮皆蕭髮森森步躍躍松林倚身
足底深冥遊諸僧歌霽日甬忘風雷閃不測滄瀛
苦潤巖竇小潤雲為雨沛東國誰知潤龍非海龍
誰知九潤非一宅

萬物草

百鼎峯

甕邊

海山亭

懸鍾巖

金蘭窟

海金剛

歷神溪西北五里過溫井又由十五里六花臺行十
里登所謂立巖真立者五長皆十丈坐臺上望之曰
舊萬物草轉東北三里過獅項曰新萬物草舊之所
見背也新之所見面也世謂化工陶甄人物所起狀
者或曰萬物肖非異峯也大類衆香而精細或過斜
看之其形尤奇楊蓬萊所云真萬物是也金秋史以
萬物草之無可觀徒貽寺弊作詩揭于神溪樓左有
千佛洞人得以罕見甕遷自溫井東北十五里踰通
川之松串峴北二十里有石枕海形類覆甕以棧道
繞其腰謂之甕遷東臨大海倭寇盡淪于海又名倭

淪遷此地可見日出西四十里由山巔曰百疊峯石
凹處槩以數百計又補百井峯大旱水不涸俯瞰山
海如萬物草而勝此衆香則遜海山亭在高城衙後
明宗丁未郡守車軾建諸峯羅列海波淼茫七星峯
龜巖左右入望永郎湖在郡十里湖心石峯南連于
陸有九仙峯以永郎遊賞處名杆城亦有此湖名湖
東岸大石覆海如鍾其竅若虫食大者可容數十人
此即榆岾誌所云五十三佛來拍之安昌浦也有石
如柱謂之佛來時懸鍾處下有舟巖丹穴玉橋南五
里有飛來亭舊址楊蓬萊所居今餘植松海金剛在

郡十里自立石津乘舟溯流數里積石在波中狀如
金劉具體而微海山亭所見羣巖皆在其中又有水
簾洞羣玉臺水路四千里

笑齋萬物草詩云以佛觀佛佛天然謂仙看仙仙
彷彿前人辨之後人疑未可全信真萬物

西河金蘭窟詩云削成蒼壁挿青冥無數簷鬟鏡
裏明獨棹孤舟窺秘竇潞龍棲鷗一時驚

簡易海山亭詩云妙攬如將兀處刪茲亭誰着海
山間四僊未有留名迹應負憑虛易往還

澤堂海山亭詩云劉破金劉麓平臨度索洲虛簷

山翠濕半嶺海霞浮絕境終誰至良辰辦此遊清

樽琴數曲無事不風流

至一作主

明齋南江舟中次海山亭韻詩云清江一帶水白石七星洲地擅關東勝亭臨海上浮扶搖疑鳥運汗漫想天遊無恨斜陽裏輕舟更湖流

昆侖海山亭詩云蓬萊城郭鎮雄關城上孤亭雲漢間東望乾坤浮積水西來僊佛護靈山何年北斗從天落北路櫻船採藥還欲問永郎千古事煙波長與白鷗閑又海山亭和主人翁詩云閑翁六十好容顏作尉蓬萊卧海山

尹公坪宰高城

政事曾聞循

吏傳姓名今在列僊班朝揮簿牒看鷁戲夜挾笙
簫伴鶴還却笑當時秦令尹空隨紫氣出函關
荷谷海山亭聞笛詩云笛奏龍吟怨思長海山亭
畔映斜陽憑渠莫弄清商曲楚客秋來易斷腸
后溪海山亭詩云千峯擁郭大瀛環縹緲樓成臨
海山重以南江一羅帶綰來東島七螺鬟官疑昨
俗今仙際境是聲詩活畫間丹字寫歸元駐此松
翁虛覓永湖灣又云平吞八景壓重溟色色鋪舒
大畫屏松老舊詞人贈炙不知全漏海山亭
明齋掛鍾巖詩云奇奇奇妙妙盈天地物物誰非雕

刻痕千載旨聲漫相駭老蒼臨視但無言

三日湖 四仙亭

三日湖在高城郡五里關東八景之始長可六七里
廣三之一內有三十六峯如螺髻湖中有四島大者
土阜西有石龕刻丹書曰永即徙南石行前曰丹書
巖上有小亭曰四仙亭新羅永即述郎南石行安詳
四人遊此三日不返故名湖曰三日舊無亭前朝忠
甫王丙寅存撫使朴叔正構之南舊有長林今剪伐
又築堰水深丹書水石皆浸不見

簡易三日浦詩云晴峯六六歛螺蛾白鳥雙雙去

鏡波三日仙遊猶不冉十洲佳處始知多又云三

入岳陽人不識世喧巖客坐詩成四仙豈覺留丹

字應恨當時南石行

浦南崖有丹書述即徒南石行六字鄭西川認南石行為

四仙也
一悲謬

東溟永郎湖詩云風高葉落鴈相呼為訪仙人東

海隅千載帝鄉消息斷白雲猶在永郎湖

澤堂三日浦詩云芙蓉三十六倒插澄湖渚不見

四仙徒斜陽回棹去又云孤嶼浦中央松聲在碧

樹漁舟棹歌歸杳杳烟波裏又云晚泊四仙亭仍

尋六丹字真公豈好名恍惚千秋事又云仙凡異

甲子三日即千秋安得爛柯頌從君卒歲遊

市南永卽湖詩云汗漫仙遊不記年平湖十里碧
於天松汀白雪行吟客誰識清都謫降仙

明齋三日浦詩云扁舟三日浦獨上四仙亭坐石
俯明鏡撫松看翠屏舊聞極雅麗翻嫌非潔精沮
洳作洲渚彫剝其軒楹詎逢鸞鶴倚難聽笙簫聲
香碑石空在丹書字未明瞻眺意不愜歸來青草
汀若此是仙境何地無蓬瀛

昆侖三日浦詩云極浦秋無際輕帆聽所如華亭
映雲日清樂上空虛碑版新羅古山川永述餘神

僊殊恍惚何得有丹書○夢泉寺詩云度却開金
地藏天有玉壺風塵分世界僊佛共江湖日隱山
容瘦波明壘影孤高僧猶法侶不必水即徒

后溪三日浦詩云不識天池太平潭萬頃寬海松

姓自翠仙字老逾丹蘋沒遲回棹花圍縹緲欄鸞

跡如再降應覓舊題看又詠丹書詩云丹自金爐

點鑄應石鼓先四仙留六字三日當千年雲護常

如蓋苦慳不上錢誰題凡姓氏唐突述即前

寒岡鄭述四仙亭詩云海也人知集大成一湖誰

認聖之清青山凝寂心如靜白水涵虛德似明兩

後秋容真玉色馬前沙響是金聲古亭獨坐忘機
處俯仰瞻聆揔性情

澤堂四仙亭詩云瑤編一字謬真經昨夜腐縣下
紫冥萬里長風三島路孤槎落日四仙亭

西河四仙亭詩云海嶽中間境轉奇四仙遺躅杳
難追靈區物色還千古異代風俗各一時剝水宣
頻神禹鑿孤山不待巨靈移扁舟獨棹斜陽裡浪
迹唯應白鳥知

白鷗巖 門巖 叢石亭 喚仙亭址

白鷗巖在明沙中特異實在海中即通川郡頭白津

白鳥羣集門巖亦在十里明沙中入通川邑東也二
十里臨海陡絕處有小亭曰叢石環亭數里石立如
柱中立四石最高大正當亭前曰四仙峯永卽徒所
遊處云亭也又有喚仙亭遺址坐此遙望尤爲奇絕
叢石亭在南見喚仙亭下卧石喚仙亭在北見叢石
亭下立石箇箇六稜如用繩尺刃鋸附崖者如列木
柵四五十間皆玉石云積水中如蟹殼出沒者曰卵
島鳥卵育於此故名也 有小阜出於海溢曰穿島以
有穴名

河西喚仙亭詩云數日天南汎海船今來下榻愧

非賢笙歌半入雲烟外風雨全迷草樹前樂事不
妨深盞倒征衫休被美人牽山頭落日蓬瀛近擬
向蘭洲喚列仙

西河叢石亭詩云嶺外多靈怪龍宮萬寶森削成
瓊柱簇挺碎玉櫻況有物偷神柄憑虛逞巧心僊
人今不見我輩獨登臨

久堂叢石亭詩云禹鑿所遺石誰教水府居鍊殘
想媧補鞭了又秦餘一碧海無畔三神山有諸茲
遊奪天造欲去重躊躇

后溪叢石亭詩云四郎當日架櫻居櫻碎僊飛舊

礎餘留柱不歸南石鶴認門時點北溟魚諸頭六
面工相似萬古千秋立自如好向宮池承慶會豈
應長作海儲胥又云肩輿踏盡紫棠洲吏告前吹
已整舟雨罷故留雲暫綴風和斛使海安流以曉
建柱叢峰出縹緲成櫻卯島遊日暮笙簫亭下過
得無人認四仙不○楸池嶺詩云迢迢楸嶺地無
前頻視滄瀛但渺然九郡諸官樓底埽三韓東境
盡茲偏稍排郊島波光迥忽出通州野勢圓未意
嶠溟窮絕處復開平穩一山川

仙遊潭 洛山寺

洛山寺在襄陽郡二十里觀音窟在其傍海上跨兩
石架空起寺義相所創也我世祖重修之有御水井
僊遊潭

簡易洛山寺詩云櫻觀海日昔聞奇月得仲秋一
歲期此地此時逢苦雨天公停我顏東詩又云到
因積雨得新晴步出東臺遲月生二八真看規正
滿前宵杜牧幾人情又云玉宇迢迢落月東滄波
萬頃忽翻紅蜿蜒百怪皆銜火送出金輪黃道中
帝南洛山寺贈上人詩云海上觀音窟千年洛寺
孤顏公前世甬韓子後生吾禪梵通霄警溟濤入

曉驅相期看日出天色問晴無

明齋洛山寺詩云不管道消長何知人樂憂且將
弧矢志聊付海山遊首夏清和節梨花洛寺櫻澹
溟正萬里日出彩雲收

澤堂洛山寺詩云誰喚龍公撒玉塵琳宮光景轉
頭新滄溟倒接銀濤沫杳樹粧成白菡春歲暮登
臨仍勝地天涯會合是宗人不愁歸路裊衣濕且
闔樽前漫浪神

是日會宗人大雪

又云至人亦有滄洲趣

靈迹曾留海虎東一手慈悲奈鯨域千秋臺殿壓
鴻濛鯨魚自吼僧催鉢寶氣常騰壁吐虹欬效白

華王子讀愧無奇語與爭工

鎮海洛伽山一名小白華山即觀音堂

王子安作讀甚奇

又云安堅水墨石川詩千載伽藍兩絕

奇却火併將僧寶去名區便覺聲舟移香雲法雨

虛無裏解瓦顏垣指點疑賴得宣陵宸翰在神光

依舊擁山祇

昆侖渡北津向洛山寺詩云孤舟泛出水中央落

日煙濤更森茫雲裏疎鍾聞洛寺城邊獨樹見襄

陽心將水月通羣照手攬星河俯八荒醉後馮夷

隨叱咤波明風定興逾長又到寺詩云洛山寺下

繫孤蓬散步微吟老樹風松月欲生僧梵靜水禽

初定渚煙空眼窮星漢冲融外身御雲霄沆瀣中
便欲從茲生羽翰飄然萬里到瀛蓬又寺月夜詩
云五峰臺殿出煙氛目斷扶桑不見雲天海相涵
元氣合月星高照兩儀分毒龍聽梵洞中伏巢鶴
呼風樹杪聞絕境頓教心地淨向來深歆遁人羣
又觀日出詩云海氣蒼涼天氣新波瀾忽作赤龍
鱗兩儀高下開羣象萬國光明仰一輪直以無私
臨宇宙方能遍照及纖塵獨憐葵藿傾陽意長悲
浮雲翳紫旻又揚旌浴山前洋詩云銀河一疋練
挂之青天上澄輝接滄海倒垂億千丈不覩溟渤

寬焉知天地廣浮舟犯牛斗鼓櫂凌泱泱冉冉僂
闕逼嘈嘈天樂響夕氣霽空廓四維條褰敞星辰
若連珠玉衡如布掌蒼蒼太虛色上下涵羣象層
颼鼓駭浪水怪紛懽恍不知天宇高便欲乘風往
身輕御沆瀣氣逸超塵壤却笑區內人徒結方壺
想誰將蹈大方願同莊生賞○觀音窟詩云滄溟
日夜翻石蕊有崩瀉不謂空嵌間憑虛架樞屋層
濤撼山根餘響振崖谷有如山上雷隱隱驅電轂
當檐歆素沫佛幌如渥沐借問何代初為誰勒板
築大士昔現靈真軀幻西竺新龕煥金碧寶像氣

莊甫焚香老僧跪拜叩祈淨福遂令愚蒙者奔走
捐金玉異教壞正道慈悲惑氓俗疏鑿及潤竇人
工窮土木人皆樂誕說我獨嗤荒瀆僧徒昧斯理
願以此相勗○洛伽寺詩云鰲背諸山若箇邊前
朝樓觀幾桑田通神石現觀音像薦福書傳世祖
年天際飛禽疑莽眈庭中列柏搖安禪細推萬物
都成幻何用區區學衆仙

市南仙遊潭詩云仙遊潭上雪初收玉樹瓊林十
里洲忘却逐臣行邁苦自疑身世是仙遊

潭堂仙遊潭詩云滄溟西岸更湖山瓊島樓臺一

望間未許俗蹤飛渡便却聞仙客往來閑松寒石
瘦俱含潤鳥渡雲移畫作斑最好蘭舟橫鐵遂夜
深驚破睡龍慳

簡易仙遊潭詩云海色潭光隔一陂無風兩段碧
琉璃安能直使僂遊日來徃繞同大小池又云僂
遊潭上獨遊時鳥度雲移把酒庖一兩白鷗如識
我沉浮來去故依遲

明齋仙遊潭畱別水城使君詩云長松對坐覺神
濃人事寧期此地逢聽說桃源重感慨此行還愧
未從容

軒丈為言襄陽五色之勝勸來
卜築且令歷見而忽忽未果

清澗亭

清澗亭在杆城郡南三十里海岸本清澗驛亭有自

磨石

簡易清澗亭詩云襄陽不赴杆城來首尾流年十
九回東海一遊元有計白頭真免白鷗猜又云此
心與海堪爭大未使乾坤只作瓊終是不能無物
障煙霞盡處着軒窓

澤堂清澗亭詩云天教滄海無潮汐亭似方舟在
渚涯紅旭欲昇先射脯碧波絕動已吹衣童男樓
牒遭風引王母蟠桃着子遲悵悵仙蹤不可接倚

闌空望白鷗飛

昆侖清澗道中詩云白鳥慚形役
虛舟起遠心
秋煙雙鳥夕落日萬松陰
詩豈偷神造身惟遁物侵
蛟龍時變化終是戀幽深

鏡浦臺 大關嶺

鏡浦臺在江陵府十五里一名鏡湖廣可三十里水
色澄明如鏡面故名湖雖濶遠深不沒有淺不下腫
正似盤匝中水舊無亭宇至前朝忠肅王丙寅存撫
使朴公構亭其上安輟撰記水西岸有臺臺畔有石
曰世傳永郎煉藥處東有江門橋橋外有竹島島上

沙堤連綴如帶為湖海之限堤內長松成林人家隱
映且有梅鶴湖海二亭皆絕勝自京城踰大關嶺嶺
有九曲上有城隍堂望大海

栗谷鏡浦臺賦云一氣流化爰結爰融開慳秘於
海外鍾清淑於山東分清派於天池湛一面之寒
鏡失左股於蓬島列數點之青峯有閣臨湖如跂
斯翼引微涼於綺疏耀朝日於金碧下臨無地見
城郭而纔分上出重霄拊星辰而可摘境是方外
地入壺中波含鶴背之月軒納鷁頭之風行人渡
橋見長虹之卧水僊闕橫雲比海壺之浮空其春

也東君弭節灝氣流行東西芳花卉競秀上下芳
水天同清柳花金絲烟鎖流鶯之幕桃源花色露
濕蝴蝶之翔浮嵐藹藹遠岫茫茫灑香雨於漁店
翻錦浪於沙汀於是鼓瑟解衣抱曾點浴沂之樂
臨風把酒藹希文憂世之情其夏也祝融司權長
養萬物分草木之敷榮極流燠之煩熱炎炎火氣
日北趙孟之巖疊疊奇峰雲入淵明之句積雨初
霽衆川爭赴山烝烝而霧生水溶溶而波濶於是
蘭臺詠賦快哉楚襄之風殿角生涼愛此唐文之
日其秋也金神按節大地淒涼列踈簾以征鴈染

紅葉以清霜紅蓼花邊鷺窺遊魚之出沒白蘋洲
畔鷗鷺釣舟之往來窓來漁笛風掃黃埃天悠悠
而蓋遠月皎皎而增輝於是鍾張翰吳州鮑玉璫
銀萼之味追蘇儂赤壁歌明月窈窕之詩其冬也
氣閉窮陰凍鎖煙浪凋百草其已零秀孤松兮幾
丈霜風振地鳴萬馬之刀鎗雪花翻空散千重之
玉屑宇宙微茫山川索漠征帆絕於遠浦瘦骨生
於疊嶂於是帶月尋友王子猷興不盡於山陰殘
梅返視林處士骨未槁於湖上有客江山性癖朝
市心違寄笑傲於虛閣翫清漪於苔磯黃鶴樓前

芳草兼晴川共遠滕王閣上落霞與孤鶩齊飛茲
以眼高九州神遊六合塵心靜於水軒世情散於
風榻金鷄唱曉挹扶桑萬頃之紅波玉兔昇昏
龍宮千層之白塔快哉騁眺恍若登仙踏烟沙而
散步馴白鳥而共眠鯨濤起望中大鵬舉兮九萬
鰲岑在何處弱水杳兮三千遊覽既周喟然歎曰
前賢已矣往事亡羊覽竹溪之雄筆吟石澗之清
童火後經營悵失前日之華構水中蘭桂誰載昔
時之紅粧噫名繯絆人利網籠在甌窰窰而得閒
咸役役而自獎宦味同於鷄助難恃懷中之榮名

區類於菟裘宜成林下之計傍有一人曰既有此
地便築斯臺想英雄之遺賞懷隱逸之徘徊登臨
放情縱一時之樂事杳茫無迹歷千古而成灰若
夫德積于身物被其澤效忠惠於君民垂德業於
竹帛攀龍附鳳可成身後之名情志忘形莫循眼
前之樂客笑而荅曰行藏由運禍福有期求之而
不可得捨之而不能遺已乎終非人力之可取命
也當聽造化之所為而況形分雖萬理合則一尚
不辨於死生矧有分於久促周非我蝶非物諒無
夢而無真凡未亡楚未存竟誰得而誰失是故虛

心應物觸事得宜神不虧而內守志豈動而外馳
達莫善窮莫悲庶全出處之道仰不愧俯不忤可
免天人之譏且夫難制者情易盪者氣苟操養之
失機必流佚而老志求名求利定有害於性情樂
水樂山竊多慕於仁智雖然士生於世不私其身
倘遇風雲之會當成社稷之臣隆中卧龍縱非求
聞之士渭川漁父豈是忘世之人嗚呼風燭百年
滄海一粟晒夏虫之疑冰思達人之見獨訪風景
而天地為家苟何必效仲宣之空懷故國也哉
芝峯李晬光鏡浦堂詩云鏡浦平如鏡有臺如挿

柄水色與天光青銅上下並造物真作處麗精初
發礦大地卽洪爐躍金明月影鑄成一方諸涵虛
三百頃瑩若新磨出拂拭愈潔淨遊人日來窺羅
綺晨粧靚波面生菱花藻彩春相映萬象詭逃形
微塵者自屏君子鑑於斯能令思慮整移甬置胸
中復我虛靈境團圓了無翳本體曰清靜不唯辨
妍媸持以照邪正四海自太平澄明同此景
簡易鏡浦臺詩云風流茲地絕不翅昔聞然白白
沙還鳥蒼蒼樹赤烟天從臺外偃月正鏡中懸秀
白王孫有方知骨法儂又鏡湖詞云煙水盈盈下

有無鳳池疑此醉宮壺春明一出頻千里猶得君
恩借鑑湖又云清見游魚淺見沙微風時至自生
波蘭舟盡日行無規戲見佳人奏棹謠

三可朴遂良鏡浦詩渭北傾坤軸荆南失洞庭岳
陽樓一角漂泊落東溟又鏡面磨平水府深只鑑
形影未鑑心若教肝膽俱明照臺上應知客罕臨
蓬萊楊士彥鏡浦臺詩云蓬壺一入三千年銀海
茫茫水清淺鳶笙今日忽飛來碧桃花下無人見
明齋鏡浦臺詩云不見丹丘與赤城問他誰似此
間情天光雲影平鋪著小島長洲點綴成辭道風

來水面語恍如人在鏡中行虹橋已斷僂蹤遠惟
有沙鷗似雪明又次人韻詩云一語知君着意深
中流高詠起余心湖光正爾清如鏡恨不同時得
與臨又觀日出詩云極目滄波似遠山金烏飛出
五雲間不知有底相催促日日東西去又還

三洞過鏡浦臺詩云安仁以至鏡湖涯草遠沙長
崑有花全海豈容鯨攪濁片雲猶見鶴侵竿僂畱
丹竈收真訣僧倚寒松誦法華鍊氣參禪俱屬事
此心惟欲伴虛槎

企齋大關嶺詩云雄鐫大關嶺艱險冒天台畏途

不足說盡室陟崔嵬嵌谷巖難視地中聞驚雷
僂上半程已覺出塵埃沙白寒松亭水清鏡浦臺
東連渤海濶浩淼迷蓬萊情朋送我至座有郭興
霍同乘汗漫遊白日接行杯醉折叢桂枝起舞
崖隄遙將貽美人美人何杳哉艱辛試一嘗九十
九盤回唯持正直心幸得衡雲開

市南大闕嶺詩云登登垂兩日百折路盤危眼大
心方豁身高度到知滄溟看更小天嶺覺曾卑壯
觀平生是途窮肯作悲

久堂大闕嶺詩云地形東盡最高寒感惻橫溪十

室殘轉向大闕如蟻上直將滄海作杯看生來漫
見巫山畫此去方知蜀道難欲罪坤靈鑿千嶂魚
令一日萬波安

西洲曹夏望鏡浦臺詩云十二朱闌碧玉簫秋晴
琪樹暗香飄千年海濶秦童遠一曲湖明越女嬌
芳草佳期當落日美人歸夢隔層霄漢翁猶唱瀛
洲曲艤過江門舊板橋

竹西樓

竹西樓在三陟府客館西有肅宗朝御製七絕一篇
四佳徐居正竹西樓八詠詩云挺挺萬竹翠成圍

古寺荒涼歲月非日暮雲深不知處居僧何處化

糧歸

右竹歲古寺

又云潭如有量欲吞川下視蒼茫上

渺然知有蛟龍泓處隱何曾一逐雨雲遷

右巖控清潭

又云豐年禾黍足村村里閑相從不閉門白酒黃

鷄饒笑語歸來扶醉月黃昏

右依山村舍

又云過盡一

灘又一灘誰教獨木跨驚瀾此間容足無多地莫

作尋常坦道看

右卧水本橋

又云遠出浮空翠似眉斜

風細雨一簑衣平生榮辱都無管牛背如船穩跨

歸

右牛背牧童

又云飽饑晨飡又午飡野蔬山蕨雜中

間布衫半綻荆釵曲日日田頭解往還

右隴頭歸

又

云一水澄澄鏡面空遊魚潑刺錦鬚紅分明可數

還無數前隊洋洋後隊同右臨流又云山僧不出

水雲窟俗客長昏薄領叢喫得歸來坐相對茶煙

細細颺清風呼僧○送三陟倅三首詩云碧松

亭下少年遊潦倒如今各白頭自愧功名踰我分

嗟君晚節去為州又云關東人說勝關西白雪沙

鳴碧玉蹄夾路海棠紅似海飛飛無數鷓鴣啼又

云訟庭春草綠芊綿畫戟凝香日抵年山簡風流

今似舊竹西櫻下水如天

企齋竹西櫻夜吟詩云夜寂灘聲近蟲喧秋氣深

高樓燈火耿四座各言心

石洲送三陟倅詩云聞君遠作名區宰未到吾能
說此州關嶺極天滄海濶月明歌吹在西樓

簡易以西樓詩云滯客愁相守寒衣直漚園櫻光
龍抱睡洞翠鶴竿飛一水橫臨斷諸峯徙倚非分
留物色少搖為後荷衣

澤堂杆城東樓詩云高閣朱闌倚碧虛層巖列嶂
繞庭除鰲山只在封疆內鯨海應知畎畝餘萬里
壯遊雙眼在百年浮世一漚如神僊可接非吾事
贏得閑官學遁居

只在一
作便是

明齋竹西樓詩云逢迎千里陟州樓爽氣泠泠五
月秋脩竹晴川真絕境秀眉華髮自名流雲山世
外看來樂川洛人間說着愁作底風波滿平地却
歸閑處伴沙鷗

望洋亭

望洋亭在平海縣北四十里近蔚珍縣也有肅宗朝
御製七絕一篇

簡易望洋亭詩云向海開亭納納歸好亭常有到
人稀吟君七字登臨句弱水東風吹我衣

越松亭

越松亭在郡東七里城樓謠傳述卽仙徒遊憩處舊
無亭字熙山癸亥觀察使朴元宗初建有肅宗朝御
製七絕一篇

四佳越松亭詩云平沙十里鋪白罽長松撓天玉
梁細仰看明月黃金餅碧空如水浩無際客來一
捻吹洞簫風流盡是神僊曹我欲從之飄瑤池飛
來青鳥啣碧桃

簡易越松亭詩云十里寒沙月一襟誰教畫手着
松陰詩僊正自忘歸去鶴警三更露已深

裕元金剛辭曰昔余遊夫養硯山房霞老言論

歧貳金到天不盈尺地之平康安得布置橫亘
一方此老平生緣斷宿業是反離騷楊子文章
葱嶺盤西為中洲昂五岳咸秩為天下望累累
兒孫北結太行一脉蜿蜒延入我疆穹立頭白
殿于樂浪遵海而東有岳曰霜漏禹貢篇見法
華藏廬阜還瘦崑崙荒唐薨荒相銜鏤成众香
大匠削冰六月蒼涼小匠雕琢午夜明光皇矣
造化變幻莫量金林象笏瓊琚綃裳馳騁躡蹻
盤旋翱翔閭苑梵界各說其長吾儒援據其說
綜詳山經水志古述載揚鴻濛肇判波痕流洶

元氣蓄貯茲為陰陽弱則柔嫩銛寶鐵剝水如
齒軟珠琪青黃塵鹿攸伏帝豹不驤挾路點綠
簌簌叢篁粘壁靈貝搖搖西航前有法起後有
永郎畢竟一頭元和升堂霞老評山匪直也謫
名山宿債如惜速償點檢題字帳無遺芳尋常
遊覽世情多妨況乎真詮郝易傲裝惟余懶散
勇往莫障薄言理殺來來忙忙昔余記夢再入
僊岡今既一踏佳期更張人有前程君其不忘
○金剛楓葉記曰金剛春日悵悵夏曰蓬萊秋
曰楓嶽冬曰皆骨楓岳為最取其盛也星青白

物難歛帝德乃成紫庭玉階灝氣蒼涼為驚寒
之候柔條夕動密葉晨稀而岳之楓金枝委樹
有蘭寫艷菊散英之象含景風籠甘泉渟渟湛
湛呈酣醉之色夫夫桃敷水落杏飛花春之紅
也含櫻薦實木槿垂蕤夏之紅也緹室葭灰候
應荔挺冬之紅也至於龍鬚檉柏望之五色參
成靈芝扣之八音此得氣之早而輕羅塞帷蒸
霞翻裾娉婷嬋嬋迎送行人山傍之楓也火車
連營夜光帶壁燄燄烈烈如可爛煮山中之楓
也十里荷花並頭獨立簇簇亭亭蘸空駭矚山

外之楓也猩血屏風置設重圍週週匝匝眼花
奪彩全山之楓也葉帶四時之意耀萬山之紅
獨擅秋色則遊子盍往觀乎秋之楓嶽曰悵悵
曰蓬萊曰皆骨焉乎出山而見三日叢石則槲
葉尚青海棠猶妍而踰嶽嶺則霜氣濃遠
蕭疎其地有異而時有催耶家人勸我登紅葉
亭余曰楓安在曰在斯在斯余嘆曰安得金劉
楓可以枕可以床可以履逍遙乎其間名山有
靈亦驚知已於千古也○金劉辨曰說者以爲
金劉之奇無見於中國之文此不知金劉之所

由起也箕子得明夷仲尼歆居九夷天下之文
明莫如我東故聖人皆以東為首何必西將華
嶽南侵直廬北極恒代惱文士之筆上下於千
載之間乎史曰海中有蓬萊在海山也於陸亦
山也復何必指東指西辨其方而爭其特哉東
人善訛輒以四郡水石甲乙乎金劉金劉山海
崇深四郡奇石特立其最者玉笋龜島潭諸勝
而置之東海中不過是無名小石未聞著於中
國也古人詩永郎風月三千首無竭雲烟一萬
峯除却僊佛之書吟咏之場安得見夫樂山樂

水之仁之知之人哉○金剛感曰橘山子見楓
葉飄到喟然嘆曰昨年余入金剛之時也昨年
此時~~此~~若昨日而居然見夫一星之周矣余之
夢金剛凡幾遭乎無想無因則無夢語曰男不
女夢女不男夢無乘車入罽穴之夢然則人生
都是夢也昔余遊金剛為夢中之夢歟竹樓之
在不知明年何在并州之望却是故鄉之望余
之昨年所見非今日之見今日暫寄又非明年
之寄夫何必見楓葉而感前日之遊哉不若無
想無因無遊無夢與日月而同流何擇乎至人

何巡乎舊識子曰逝者如斯余於是感焉（金）
劉嘆曰林下廬有太湖石一枚長莖一丈穴不
容碗一日移置小塘鸞斯斥鷃之類紛集其上
或作刷翎狀或做濯沐樣之跳之躍而去而來
余謂客曰子今視夫鳥之集于石上者乎石提
挈可致而鳥之來也如登華巔赤池其所見藟
也凡人之入金劉者亦若是矣風乎此廬飲乎
八潭言諸崑崙黃河不過是硯礪一勺而上溯
月窟銀河則又不啻拳石均潦暴余之悲鸞鷁
實自悲也然則曷無竭何釋乎須彌寶塔三千

大界永卽四仙何棄乎赤城閭苑三六化運披
塵埃而~~往~~來芸芸惹惹之中哉若如僧言仙佛
家陶鑄三山而視人如蟻豆也僧蟠據名山故
名山多托於仙佛余以仙佛之說為荒唐

何遜乎舊錄子曰逝者如斯金於足處金

劉棠口誦下廬有太湖石一枚長莖一丈六不

容碗一日靜置小塘旁新作題之類始集其上

或作別用狀文微謂冰樣之說之碑而去而才

余謂當日予今視大馬主集于三區者乎石

學可致而為之求也如楚

幽然人語所金錄於太山

金錄於太山

金錄於太山

金錄於太山

